

賭棋山莊所著書

賭棋山莊集

詩十

長樂謝章鋌枚如撰

唁鄭仲濂

守廉

同年悼亡

三歲五歲兒戴白徧椎結旁人助號咷益君肝膽裂睠彼井白
徒猶然痛永訣矧有林下風能詠空庭雪九載未展眉初月竟
成缺載省寄外書離魂不可掇撫心長淒淒措語常屑屑此苦
幸未嘗慰藉恐不切第想大小年泡幻同一瞥嗟君負清才甯
忍陪夭折死生久代嬗人事固難輟幸勿再傷神夜臺恐嗚咽
慈仁寺松

見松俯首我則甘瘦骨突兀秋風酣大松偃蹇遠垂蓋小松蓬

勃初抽簪六時似覺法雨足孤青直欲諸天參不知紅塵爲何
熱清涼飽洗人心貪京華蘭若多於粟得此可壓千精藍棟梁
頗憐識者少拈花偶爾來瞿曇牆前老檜亦作態稍思角立無
二三蕭然元氣出物表輦轂之下惟君堪流香共說奇楠貴延
年何必茯苓探逃虛伴寂能幾輩聽濤爲我添茅龕

過諫草堂懷張亨甫

際亮

年丈

松筠菴左有諫草堂椒山兩疏草在焉張受之所刻何子貞
有記甚詳陳頌南劾三大臣疏出於亨甫蓋在是堂起草也
後亨甫遂歿於是子貞記所謂昔悲亨甫今哭受之者

生前揮淚弔金臺何處青山駿骨埋賈志功名中壽過痛譚利

病一尊開九州無敵吟詩手異代相憐抗疏才寂寞騷魂依諫
草茫茫今昔總堪哀

別鹿泉時余將遊陝

赤舌燒城萬事非照人肝膽自依依可能流水催歸夢又見飛
花上客衣短笛無腔時自咽凍禽獨立不啼饑灞橋楊柳潼關
雪回首京華念掩扉

答陳孝蘭

馨本

時適讀其鄉先正王子壽

相心

漆室吟

高吟王子壽健筆壓時流江漢無終極星辰在上頭願君采蘭
芷餘事付沉浮珍重陽春曲長供作者求

呈溫明叔

葆深

侍郎師

賭棋山莊集

詩十

卅載師門立雪來

師視學試古以程門立雪命題鉅蒙首取

自憐樗散未成材
隱憂

獨夜生風雨遠道窮年走草萊
並世蒼茫望千古如公中外仰

三台歐蘇鋪芥文章在駁骨黃金郭隗臺

驅車忽作西征賦貧賤依人去住輕
關隴千秋形勝地風雲寸

抱古今情鑄顏不負旬宣績

謂林穎叔

薦禰遙通里巷名聞道哀鴻

徧郊野羣公努力策昇平

陝連年遭回難去年八月俱發難民日以萬計

綿山

介推褊衷人一舉生百累君蒙殺士名
母誤歸隱計忠孝兩無成千秋空隕涕
未知授祿初不言果何意昔尙辭天功
今豈貪廟祭綿山自嗟巖橫青向天際
沉吟五蛇歌頗傷游俠氣

夫妻廟

同心共命總纏綿
犯暑衝寒太可憐
今日夫妻廟下過
刀環入夢已三年

洪洞

與人安穩轉坡陀
箬笠斜歌唱短歌
細雨微風潤塵土
荷花城

郭水田多

洪洞繞壕皆種蓮花流水漲
灑出田間皆北來所少見者

二騾歎

肥騾居中趨瘦騾
在前控二騾各趨健
負重爭鼓勇是時大雨
行深溜沒其踵
輿夫但安坐疾痛何曾懂
稍或不如意動輒大聲
聞彼騾聞叱咤恍惚雙耳聳
嗟爾辱泥塗顧影自矜
籠鞭策

敢言非屈抑，幾龍種回首望天閑。芻豆若邱隴，何時車角生不見馬背腫。

風陵渡遇雨

牛馬各爭路，狂蹄捲亂埃。濃雲垂地立，急雨渡河來。憶昔防秋日，曾糜大府財。黃流仍滾滾，戰骨滿蒿萊。

贈董硯樵

文渙

卽題其詩稿後

一雨洗新綠，疎林開曉煙。琴清陋繁響，花淡養孤妍。詩境千秋遠，名山舊夢懸。弓衣應繡徧，健句壓三邊。

君將備兵甘涼

心從秋後淨，影向客邊連。短卷且爲賞，長鞭未可先。微霜下平楚，孤館傍寒煙。近日窮通事，吾生久恃天。

君以路梗尚未之官

題并門話別圖卽寄心梅

有序

右圖彭典籍心梅作心梅名湘溧陽世家子工詩詞有集十數卷粵匪竄江南君跳身出遊其後金陵破妻子及於難君作詩哭之慟而君亦頽然自廢矣君性介而多情居晉十年爲學使者所引重然君卒硜硜不爲容悅也同幕吳則之秀才長應制文而齒長矣不爲後進所許可吳亦遂排蕩無意於進取乃丁卯戊辰忽連舉鄉會試君聞之喜一日徧走其所知告之曰則之成進士矣而等以爲何如耶聞者貽聘無以畚君大笑昔年余將入都君窮晝夜作詩一詞一畫四贈余且曰湘今年六十子亦將五十此後相見不可知然吾決

子必千秋願子自厚也予亦勸君圖歸計君曰善子不負愛
我者遂欲戲而別及今又再期矣君在晉余在秦相望千里
之間蓋猶皆骯髒而不得如其意也吁可感也

中條

君時在
蒲州

風雨接潼關脈脈離情一水間怪底胷中有邱壑

十年飽看晉陽山

古意贈林穎叔

壽圖

方伯

灼灼幽蘭佩堪持遺所歡同心餘影在出手畏天寒固寵旁人
巧持家中婦難相逢漆室女遙夜起長歎

同陳蔭廬

衍昌

訪菊東關蔭廬鬻數本見贈答以詩

入秋百感多揣骨瘦如菊孤懷倚西風芳草媚幽獨陳侯世家

子淵源異流俗積錢輒市書當餐不愛肉挾我駕短轅足音向
空谷門低霜氣圍徑小寒香簇棄取本無心遭逢各有福園丁
視奇貨爭價語繁促高低憑市僧恐爲此花辱相憐愧具眼一
笑傾囊速無爲籬下悲位置吟詩屋馬饑時縮蹄僕倦亦蹠足
歸來對清影流光隨轉燭

疊韻答蔭廬

何時理薄裝歸家種杞菊飄零向萬里顧影偏愁獨接坐得清
交措辭不忍俗高情兼古今說士甘於肉蓋棺朱伯韓投簪鄭
小谷二公皆君鄉先輩嗟嗟桂林山鬱此孤香簇勿豔詩家名應造蒼
生福世棘思傳人感慨流光促鳳皇志千仞籬鷄何足辱願君

襲幽蘭樹德置郵速回首培遠堂

君先德文恭公有培遠堂官文書

肯負著書

屋六翮風暫羈

君以聖誤去官

三年艾須足素心託黃花耿耿雙明燭

夢中得集句醒後錄之

人間儘有可哀才荷鍾甯須醉後埋不見長安見塵霧荒城隨
意亂鴉來

和蔭廬鄠縣雜詠五首

漢陂

陂魚甚美

漢陂已成田杜老何時作吟詩無好語食魚差不惡

鑿齒邨

習氏所居

縱是半體人帝蜀有特識漢晉事全非惜此春秋筆

陳兵坊

唐高祖公
主起兵處

生男既成龍生女亦如虎安樂與太平嗟嗟兩公主

吹笛生

生鄆人范文正居圭峯有笛聲自西南來上拂雲霄下滿林壑范驚異就之不得見

羹粥對月明有聲如鸞鶴不見吹笛生誰與話憂樂

定官石

鄆有巨石隕星也或曰官尊官清者以鐵釘之乃入此石今在瀋署

說法未點頭乃復愛官職我心不可轉袍笏亦何益

橘枝詞

酒次感作

橘皮疎散能去風橘絡纏綿血脈通但願檀郎少疾病年年長

對橘燈紅

上元像橘作燈母以遺女取吉祥意也

橘實離離挂曉煙橘花開滿上江邊橘花香時生橘蠹橘實何

白相對圓

好語燈前大吉祥風橘青青金橘黃歸家叩頭獻阿孀阿兒學

得陸家郎

橘有數種比常橘大而皮厚者爲風橘小而味酸者爲金橘

橘官無稅可無憂橘叟彈棋更自由飲罷橘燒歌橘頌積錢歸

買橘園洲

釀橘爲酒曰橘燒橘園洲在洪江上流彌望千樹

感詠制府畢公遺事

逸調高情比謫仙觀潮綵筆信翩翩全家入夢秋風暖一笑長

安九月天

黃仲則詩才盤逸人比爲太白有前後觀潮二詩最傳客制府時作感秋雜詠有全家俱在秋風裏九月

微霜未製衣句制府適見之乃暗置衣裝並千金遺材官存問其家數月家書到仲則始知之

意氣居然歷徹侯窺牆芍藥一低頭捲堂賓客真多事孫楚平

生有酒樓

孫淵如游陝時嘗嘗一伶郭芍藥者困留之宿至夜半伶忽啼泣求歸時戟轅已鎖不得已接長梯百尺

自高垣度出之爲遷者所獲白於節使節使詢知其故急命釋之若惟恐孫之知也後酒間凌肆益甚同幕者作公檄逐之檄中有目無前輩陸燦同人諸語節使見而手裂之更延孫別館有加禮焉

屯田三策冠承明提挈櫻桃

謂李桂官

享盛名戴笠竟歸天上去前

身牛女總多情

節使由中書登進士有同舉者忽謂節使曰秋帆君書法不佳當無鼎甲之望某日入值君可

代我節使怡然應之適陝甘總督黃廷桂請屯田疏發下節使熟閱之廷試遂博稽可否以對上喜擢爲第一人節使與歌郎李桂官善所謂狀元夫人者袁隨園有詩見小倉山房集節使臨沒索蒲笠戴之謂其愛姬曰我是牽牛卿是織女

當同歸也一笑而逝

偕友人登雁塔循薦福寺歸

長安二百日閉置牛鳴鑿開歲謝俗勞避蠶蟲逃縫騁奇出郊

野赴渴驥騰蹇發笑上層霄決起烏投空亂草沒高碑頽塔啓
孤洞絳頭沾厚埃愕目凜危棟入幽心氣蒙渡險手脚共告疲
腰屢伸慮墜步難縱諒與帝座通陡豁塵寰夢萬象兵火餘一
窟佛鬼痛濟世苟非才題名亦何用况彼高杜岑炳如龜麟鳳
轉慨科名爭徒爲螻蟻圍百感交一刻新悲接舊恐躡梯已忘
身首塗且從衆薦福尙序庠浮圖豈伯仲破爐煨濁茶巨鐘息
禪誦奔槽知馬饑敝關懼吏諷

日加申卽關城
出入皆有譏察歸休魂魄清卧

遊煙霞供

頽叔乞終養去予亦將之馮翊不能無言也

兩鬢漸銷磨籌邊六載過去官因養母憂世尙悲歌但願窮黎

少何由循吏多口碑頌風節感涕溢黃河

我本同鄉縣君堪託性情快談狂有地熱路冷無名出處容愚
計扶持望晚成裴徊忘分意努力自生平

二劉芑川各青眼生死總堪悲芑川死難十五年矣炯高望懷

千古孤行蓄百疑關山忽至此肝膽得吾師何止文章妙深人

別後思

烏石接金鼇夷樓百尺高大官勤酒醴市僧走錢刀君向故鄉
去定知安宅勞好修籌海策應變起人豪

久不得女夫陳生培仁書

一男尙岷強一女頗明慧深蒙大父憐掌珠乃不啻擇壻望讀

書近亦苦生計離別又經年魚雁無一字豈其親誼疎轉恐俗
累做恩愛關天屬男女原何異愛男期婦賢愛女爲增地所嗟
丈人峯難作東牀氣

柳敬亭畫像

居然傾倒到衣冠不朽誰知在稗官老死丹鉛凡幾輩埋頭遙

望敬亭山

蕭然抱膝意如何好友留題盡短歌知否昆明灰劫換國殤遺

老紙邊多

畫有范質君
冒巢民題句

贈家蔚青

質卿

觀察卽題其哀秦文後

忽向文章得宗袞關河四塞尙春陰青山無恙吾家物明月孤

懸作者心井里蕭條出殘劫蟲沙慘淡入淒吟哀素不減過秦
意賈傅年來涕淚深

過瀾橋

重疊愁雲有萬層尙餘兵氣滿行勝瀾橋垂柳無多樹只恐銷
魂尙未能

瓊園無主野花開馬足飛蓬轉怒埃忽憶烏衣堂上客欲將開
府換池臺

瀾橋縣丞署在水中央環以垂楊萬縷吾鄉王文勤公造其地笑曰官若可求吾願以巡撫換分縣也

雜詩時在豐登講舍作

生世爲男兒廟食宜天下業業復業業璀璨見臺榭前陳列兩
楹後堂開五架爐煙結似雲明燈不得夜卻問所祀誰云是死

難者旁有一老人搖首忽悲詫爲言某生前器小頗夸詐乘時
竊功名炙手熱可怕過尙眾口訾責以一身謝至今其家人積
錢滿內舍何愛數千金結搆歷冬夏公論自是非官書或假借
第慮百年餘遺愛少憑藉吁嗟方寸膠難補黃河鱗生既有遺
議死亦當速化崇祠未包羞豐碑反遭罵不如無名鬼安享雞
豚社

自從時藝興學人殊莽鹵 昭代諸大儒救之以訓詁論字必
許文窮詩宗卿譜斷斷雖洙泗彬彬亦鄒魯遷流到於今用心
頓乖午券寫博士驢市喧三人虎破碎秦延君萬言說稽古後
死乃爲雄傳衣罵初祖妄思霸天下無道若秦楚達士睨其旁

發憤目光努遂謂人才衰考據爲之盡此言縱云激此意良可
取大義先不知讀書亦何補華 國有文章傳人豈門戶

自古育才地務名等一實況當兵革餘吐棄在儒術竭來擁皋
比起衰何敢必非無照夜珠自愧踰淮橘故人對我言士習貴
甯謚但升仲古堂勿至言偃室素業有詩書異途豈膠漆君儻
挽回之自當得六七煌煌萊公里亭亭龍門筆此邦原多才金
石隱蓬華我愧經人師觀摩十無一低首向時文殷勤定甲乙
去家將萬里分金凡幾鎰虛食對諸生躊躇獨抱膝

十日不出門門前堆塵堞倚樹看葉飛窺庭見鳥墮寂寞三間
屋兩僮兼一我懶散不自知幽靜尙云頗飽飯向初陽積書滿

案左開卷忽得意平生忘軫軻云有貴客來衣冠苦包裹言語
既少文拜揖亦未妥僮僕各匿笑主人太疎情差幸不爲官爲
官無一可

題趙子昂淮南留犢圖

江山破碎白雁逝王孫閒情尙如是淮南久在胡塵中不知留
犢留何地便令當日有時苗循良何與君家事我對此畫長太
息浮雲吹徧秋風色追糧捉差官軍過老犢疲牛行不得且留
太守薄笨車南山之南北山北

江南詞

天平山下鶯聲少拙政圍頭馬糞多千里昏燈閃人影只聞太

息不聞歌

不知艇子渡江何
蜃市樓臺夕照多
一片吳淞鳴咽水
都歸滬瀆作奔波

塞下曲

十萬兵聲擁暮雲
轅門飛鳥悄無聞
將軍飽飯黃昏後
自草甘泉露布文

健兒慷慨忽昂頭
出塞能爲汗漫游
塞外黃金如土賤
受降城下請封侯

題丁南羽揭鉢圖

以人爲糧鬼長技
放下屠刀生佛地
金剛按劍世尊笑
鬼性佛

性原無異鉢底潭潭坐嬌兒鉢前睨千窮奇畫工精心入毫
髮魑魅魍魎紛奔馳昂藏忽露終葵首突兀還撐攬人手頭外
安頭身外身怪目睽睽哆厥口鬼風倏覺牖下吹鬼氣真如紙
上走如來無語但低眉蚍蜉撼樹亦何有祇今東南困鬼夷安
得天人一掃之感事我因丁南羽成名何問李伯時

圖係白描

穎叔遊終南以詩寄憶答之

濃陰十日催滂沱坐閱幽鳥鳴藤蘿南山傍戶青嵯峨苦戀池

館將奈何

寓齋正對終南

秋聲夜半虛堂起手把君詩忽欣喜君昔驂

鸞白雲間捧持北斗朝天闕回眸下顧人實黑嗟我寂寞何時
還崑崙迢遞無終極蟠桃酣宴經朝夕八駿飛騰不肯歸星源

出地傷心碧蒼梧南下幾千尺竹子斑斑淚痕積秋江老死芙蓉花欲獻瑤姬長太息人生可惜無邱園不然我亦歸柴門儻能洗頭對玉女坐失捷徑復何言名山把臂且深入勿令苦雨銷羈魂

分咏古蹟

曲抱村名村邊路荒涼見漢陂瘦魚難入饑短竹莫吟詩志乘猶

揚厲人生幾好奇滄桑滿陵谷無地泛舟宜

漢陂

寶馬香車地濃花弱柳天遠山抱眾綠一水養春妍無限興亡

夢沉吟李杜篇斷橋沒荒草又到劫灰年

曲江

灞橋可無恙瓦礫拱頽垣樹長半枯葉人支新壞門相逢話殘

劫不別已銷魂問訊長亭柳知余有淚痕

灞橋

昔者王中允吟詩傍帝城得歸戀別業遭亂惜高名泉石依然

在焚修垂暮情寄書與裴迪倦鳥入山鳴

輞川

層臺廣樂出雲煙穠李穠桃話比肩百二河山銷霸氣一雙兒

女託鈞天同心司馬求鳳曲解笑如皋射雉年從此掌珠嫁樂

大壻鄉飄渺誤游仙

鳳女臺

武帝雄才世所稀昆明漾泱在郊圻樓船將帥誰揚僕關塞風

雲總武威刻畫魚龍鎮灰劫指揮牛女寄兵機祇今墜粉殘紅

地回首滇池萬事非

昆明池

竟負宗臣盡瘁情荒原五丈尙崢嶸不堪回首隆中對一樣傷

心白帝城萬里西州斜照冷幾時上界大星明可憐巾幗含羞
者遺壘偏容按轡行

五丈原

那知鼙鼓起漁陽玉卮金鋪夾道長傍戶好山圍醉夢出牆流
水解炎涼明河欲沒雙星遠別殿無人曉月黃鸝濫聲中盡衰
草誰尋殘珥話興亡

華清宮

過多忠勇公祠

萬家立廟投青錢萬眾稽首摩雙肩崇宮邃宇纏香煙靈旗髣
髴南山邊路人嘆息嗟公賢願公再來莫生天公昔入關何慷
慨遺黎欣喜頭顱在身經百戰皆尋常第一奇功試馬塞是時
劇賊十萬強夾道爭進成堵牆塞前有溝賊所扼賊旗蔽天天

爲黑公起指揮四百兵四十馬隊從公行忽前搏擊賊皆驚骨
飛肉走刀無聲我馬如龍賊馬鼠賊兵如豬我兵虎長鎗沿溝
捲風雨百千萬人同日死餘賊帶血無言語奔縊荒林髮尺許
前軍猶響鼙鼓看公騎馬歸軍府那知天不哀吾曹神靈拱
揖迎旌旄公移兵收復盩厔親自逼城搥鼓劇賊藍二順燃礮
傷公目貫腦公大怒叱衆登城城卽復及後公薨盩厔
屋神廟諸像皆流汗將薨公舉盩厔百姓登城號公輕性命如
手上拱口喃喃若勞人迎者鴻毛危城雖得失人豪再有劫運將安逃暗中保障宜公叨敢
無報賽千牲牢路人語罷淚痕溼我亦曾窺文忠集其中屢致
都護書推獎萬夫不能及胡文忠集屢與多大風捲地高鳥飛
仰首廟門悄然立

感秋八詠

叢樹合濃翠鳴蟬一徑深到門無熱客下榻養冬心薄冷方宜
被閒愁欲問琴捲簾莫輕出關塞正秋陰

秋館

燈火涼如此虛堂秋氣清鄉心入夜熱瘦影上窗明萬事宜孤
照人情悟短檠流光暫相戀莫問雨風聲

秋燈

姮娥耐孤冷高處不嫌單天地有真色關山生暮寒深闌對明
鏡遠客倚危欄卻照無人處蕭蕭燭影殘

秋月

秋風吹不已秋水上江時遠岸沉沉碧離舟緩緩移流將何處
去清到此心知采得幽蘭在微波託寄詩

秋水

幽齋有芳草葉葉聚清光雖少逢時豔難消獨抱香託根宜怪

石弄影愛斜陽萬種秋消息關心問海棠

秋花

消瘦飛無力尋香到豆花羅衣脫金粉檀板滿風沙歷劫神仙

夢浮生富貴家春光不相識何處感繁華

秋蝶

悲哉此秋氣獨立更如何頗有蒼茫淚因之慷慨歌商聲天地

滿苦語別離多自作幽花笑隨人託女蘿

秋吟

美人在天末三載織迴紋昨夜忽相見含愁不可云寒蟲燈下

泣落葉雨中聞爛睡翻無味秋心滿暮雲

秋夢

從軍行送譚西屏

磨

萬里暮雲青一庭秋月白譚侯屢開宴觴詠繼朝夕置心萬古
前下視人寰窄悠然忽有思高舉憐六翩翩書記才廩廩籌

邊策練兵如練詩生死判主客扼要進危言習險安吟魄偉哉
高達夫軍門不蕭索我從桑乾來載過井陘側戢影黃河深矯
首潼關陝山川信奇偉人才當千百獨聞寓公賢浩歌念巨孽

亡者顧祖香

壽楨

存者謝麀伯

維藩顧謝皆西屏密友子見其文而未見其人

吾雖顏面

疎子豈性情隔文章乃公器苦口愛嘗藥非藉並世才安免千
秋責宏濟守本心起衰勵高格下馬讀素書上馬拓金戟願爲
掣海鯨勿學過江鯽磊落向功名輪囷養肝髒

題王石谷山水臨本八首

清溪寒不流北風吹急雪荒岸少行蹤柴門亦虛設高閣俯青
山恍惚聞竹折寥天接歸鴉瘦影互明滅想有輞川徒高臥曾

次別誓欲從之遊十月芒屨結

王右丞溪林雪閣

我昔驅單車屢登第五陁天門俯萬里四面罩空青山氣薰人
醉日夕不得醒至今布襪下猶帶風雨聲讀畫忽有憶亂石踣
孤星廓然天地大獨立慮伶俜

關全太行山色

灩澦大如馬瞿塘不可下灩澦大如牛瞿塘無所憂我誦瞿塘
曲思作岷峨遊一瞬卽千里樂哉出灘舟建河與川河險隘甲

九州不知明翠閣何似望江樓

董仲翔江帆出峽

晉卿帝女婿頗有酸寒癖解誦摩詰詩遂爲東坡客遙山萬點
青寒漲一天白清輝能娛人台置臨江宅平生欣所託不在金

門籍誰登寶繪堂願分名山席

王晉卿煙江疊嶂

好山不知名到門滴寒翠遙想閉門居日抱山光睡九疊屏風
張神仙或酣醉美人弄眉嫵雲中擁雙髻時有孤鳥飛偶墜煙
痕碎尙書方作畫蕭然忘富貴

高房山黛
色橫空

僕夫向南陌稚子能候門棄官歸栗里無地非桃源繫彼神仙
境迢遞若崑崙桃花何爛漫客子空銷魂筆墨等泡幻工拙不
須論記者陶徵士圖者趙王孫

趙承旨
桃源圖

故鄉登石鼓厥有萬松關天低若入地松密不知山流雲補濃
翠仙風吹古寒素香通鼻觀側耳吟鳳鸞卻坐龍頭泉手拂青
琅玕一別卽十載撫圖發長歎

趙承旨松
風嵐翠

今年夏酷暑見日卽殼觶安得松風涼寄居山邊屋開圖忽自

笑濁人少清福好潔倪高士衣冠去桎梏平生入林深庶在此
間宿不得見大癡吾將問石谷

黃大癡
夏山圖

遊華山初發灞橋

一年五度此經過短柳星星鬢欲皤今日好山能入眼不妨如
此屢奔波

少華甯山寺

一山闕寒綠萬竹盪空青雖未絕塵想差堪讀道經烹茶尋活
水輿轎叩巖扃

登山者於此
改用竹兜子

風葉同筭籟真宜洗耳聽

循獮虎谷登蟠龍寺

霜葉紅有情風泉清滿耳委身付雙竹穿雲屢伏起懸崖不盈

尺輿夫奮厥趾搖搖坐虛空潭潭不見底仰攀樹挂猿旁旋磨
轉蟻猛進梯脫桃直下弦激矢從來稟賦薄巨艱得小喜發興
託名山頗覺了生死長此一息存敢作半途恥登峯貴造極入
門以時止驟靜回初心諸天悟大指吾將登華嶽洗眼青雲裏
題詩桑公臺好士自隗始

谷暗虎氣荒寺轉龍身抱鑿險既深深瞰虛亦浩浩達摩久面

壁文字非所寶

寺有藏經

安用八斤鞵耳目恣顛倒

開山周鉢禪師素有靈蹟號入

斤鞵其鞵能自來去如王子喬飛鳧故事

側聞萬厯年開礦徧豐鎬茲山遭發掘逃

僧如振槁國帑何所加空門且難保螺髮著鳥糞無人供灑掃
綠陰膩不流山幽得秋早厯劫又幾塵有佛顏色好近者華陰

祠大官勤工造松柏助棟梁煙霞供染藻僧徒倚廟門稽首默
有禱願借嶽頂雲爲護階前草

贈王華州舜臣

贊襄

太華分支處橫琴對翠微簿書留道氣山水悟禪機城有新茅
屋官如大布衣前身或摩詰筍蕨共忘饑

登嶽

華嶽如高人壁立謝俗戀其外削而文其中隘以辨萬石疊天
骨石石元氣鍊旁絕草木扶下視風雲賤金帝總西成元宰待
殷薦儻非真積心何由萬物奠聯峯入地肺崛起各生面依傍
固不須秋實吁可羨

玉泉院

一鈎殘月挂遙天
百道流泉咽暮煙
抱膝石船發孤笑
山蓀落葉不知年

遺像蕭蕭水石間
都無罣礙掩松關
長年齋睡尋常事
難得希夷有此山

莎羅坪

毛女不鼓琴
閉洞想酣睡
仙人何蕭瑟
羽衣失蒼翠
莎羅大台抱勝朝
忽憔悴

樹枯於甲申三月

萬物感廢興
誰灑冬青淚
茲山富松

竹千載生機
遂既苦樵牧
多更貽兵燹
累援猱屢徙
家禽鳥亦失類
第聞頑石間
疎泉時一墜
菩提已成塵
曇花詎云瑞
願求

佛力培勿使山靈賈

青柯坪

挽推各作勢四夫肩一輿委曲泉石交上下耳目殊驟然得平
曠萬象列坐隅鍊師采藥去浮雲鎖一廬碎石如丹砂疑出老
君爐墜葉有點畫或剩希夷圖循澗十八盤金水相涵濡性靈
得所養真源固不枯縱非天人相庶幾山澤癯

回心石至老君犁溝

昂首忽驚愕遊心雜憂喜危巖挂一罅千仞森石齒努力與之
爭肉石相排抵手憑頑鐵扶腰曳長繩起斜俯七尺身陡懸三
分趾前行壓瘦肩後擁託危履直將鼓勇上不敢回頭睨駭汗

已透衣污泥屢染指僥倖得出險勞筋顛未已此山巖包裹去
世若萬里力勝元氣傷竅鑿混沌死無術回人心離垢笑李耳

犁溝一
名離垢

雲臺峯

箭括攀千尺到門腰腳慵煙霞在中界鐘鼓仰三峯屈曲窺清
渭巖巖剩小松道人慣迎送對客有塵容

五雲峯贈謝明通道士

聞道士年二十餘卽去家有二子皆成名屢迎之不歸今年
八十一久不出庵門矣

中峯老道士八十健腰肢早醒人間夢琪爲靜者師神仙誰不

死妻子更何私恐被浮雲笑庵門肯外窺

由閻王碓蒼龍嶺入金鎖關

閻羅力量薄劈石未成路怪龍愛人騎張鱗出煙霧削脊起天
半諸崖絕回互杙隄蹋虹橋寸跬不容誤平生少機心當得山
靈護趨險魑魅逃助順蛟螭悟一慎息百憂凌虛作細步天關
忽撒鎖虎豹不我怒萬松奏清籟貺客先韶護試問玉井蓮花
開當幾度金仙若有言相逢惜遲暮

由東峯至落雁峯

忽逐飛雁同高舉眼底何曾有險阻諸峯俯首一峯尊清渭濁
河渺何許金銀宮殿接上方空中偶墜仙人語不知前身果何

屬笑折蓮花問玉女洗頭盆小天池枯但見危梁窺蒼鼠禮官
威儀有盛衰神靈真氣無消沮小草都因雨露奇野人輒覺鬢
眉古吁嗟我本謝家孫到處能爲青山主如何作詩不驚人欲
追李白尋初祖

玉女宮

元君玉女皆帝孫兮牝交爲天地根東生西成陽歸陰坤厚載
物神功尊岱宗未登登華嶽溪毛我欲羞蘭蓀首陽對面若逃
避大河一氣相吐吞遙拱金精爲左輔秀色悅眼煙霞溫明星
當戶照妝鏡綠鬢盪手蓮花盆鞭龍駕鳳朝玉闕石馬夜叫羣
靈奔婦人主財古有語醴泉肯使恩膏屯村姑閨彥俱誦德越

險跪拜勤朝昏下看湘妃折斑竹上引西母開金鑰雲裳霧鬢
隱環珮碧霞或亦停瑤軒時時二女接顏色峯頭曉挂扶桑暎

金天宮

祠廟盡兵火上方幸閉關老松森殺氣一殿壓諸山翠蓋隨雲
遠黃河過眼灣何時降申甫重與濟民艱

蓮花峯

息駕西嶽西陰森兼蕭爽樓臺塞秋氣最宜幽人賞吾願爲蓮
子蓮房託生養大開眾香國力保清淨壤朝陽挂天外吐納精
神長開闢謝俗軌更借巨靈掌生旣可爲家歿亦足成壙尙有
白髮親敢曰逐雲往

翠雲觀夜宿

星光墜衣袂化作秋月白
夜半盤膝坐吟魂得靜宅
巨石讓開窗喬松欣接席
一枝抵一樹樹樹太古碧
邱壑寒蟲多笙簧咽
四壁頓忘身在山不知今何夕
靈機自盪摩百年嗟行役

別嶽

生機十之二死機十之七
翁山登華記苦語出險筆
發興作茲遊全歸未敢必
手攀鐵鎖行奚暇揣凶吉
昌黎亦自佳投書不可一
誅蕩五雲中星辰滿袖底
攜句問青天拍手吾仙矣
左據真形圖右招丹邱子
倔強復歸來吾頑乃若此

青山擔石圖爲呂曼叔

僞孫

兵備題

呂子愛山兼愛石一石真堪抵一璧三體旁參小學家千秋遙
拜文章伯斗牛昨夜森光芒寶書祕洞探琳琅出土不磨無量
壽歸舟穩歷百金裝關中碑碣甲天下近日搜羅逮甄瓦雁足
論文內史燈龍蹄考古昭陵馬秋帆博雅覃溪雄恍惚風流六
一翁嗜好不居前輩下功名只在著書中零璣斷璧凡餘幾指
點韓陵是知己他年德政刻蒼生此日可兒甲青史大河莽蒼
擁危城勒石燕然萬古情帶刀笑看哥舒翰輯錄且讓趙明誠
馬自明

德昭

軍門招飲東山

人巧精時天巧開鴻濛獨闢隔塵埃旌旗更比長河險神佛應
從二華來士卒習勞堅健骨煙霞部署寓雄才傳觴記取風雲

意揖客曾登上將臺

贈曼叔

連宵爛醉使君酒衣上煙霞帶遠山唐代巡方重觀察周家守
塞始潼關相看氣壯風雲外自愧身居河嶽間共向養園聽流
水邠原回首話時艱

是日在衙齋話
君守同時事

歸途經李氏止足園

泉流大華聲雲作中條色去山尚戀山園林忽有得幽篁不見
天振衣墜深碧循關俯方池魚穿枯荷隙水榭八九間著書足
朝夕嗟彼門外塵勞勞車馬客

聽雨同穎叔

賭棋山莊集

詩十

五

去之日雨其明日晴歸將及家復雨中間得十佳日山靈愛
客哉

雨風大有神靈意迎送狂奴上下山狹路豺狼損清夢

是日行至渭南

忽聞有十七騎渡河戕官居者駭然九天鸞鶴肅仙班誰搜玉簡車箱穴恐塞丸泥金鎖關自斷此生合邱壑對牀一笑又人間

賭棋山莊集

詩十一

長樂謝章鉉

時君就館建甯之小湖君昔游秦其故舊若陳梅莊刺史王
養生司馬今皆作古人矣君書來感慨及之

關門紫氣昔崢嶸千載鱗君此馭行累次干戈銷往蹟無多故
舊識高名何由倒屣迎王粲且去當墟溷馬卿太息小湖煙水
關迢迢離夢話平生

喜晤同年炯甫太守

忽從衰草無人地君此行由平羅入雁門渡
河至陝孤行塞外數百里來話浮雲垂暮心

賭棋山莊集 詩十一

廿載雁鴻無一字暫時金石盡同音

時穎叔聽菴在坐

久離骨肉猜生

死厯劫衣冠判古今卻喜枕戈磨盾後海山琴德獨惜惜

招炯甫穎叔張聽菴

樹菴

觀察飲杜少陵祠

杜老祠堂清淨地狂談無礙古人聞好山尙有濃青在枯樹曾
經劫火焚將相致身真不早干戈滿目更何云長安酒價君休
問幾處終南日暮雲

時炯甫將歸穎叔明春亦行聽菴之燕子之同州

己巳五十初度講院諸生欲爲祝嘏禮意殷勤峻詞力卻之去

後作此視都講李生樂慶

我辰安在敢言歡問字從來酒未乾三歲久枯慈母淚

子三歲失恃此

日素不受賀

廿年長痛棘人冠

先君五十適先祖母在制不得稱觴後擬補行而先君隨藥養矣彼

蒼位置原難料垂白頭顛強自寬剩有蓼莪詩卷在多情何用
累豬肝

消寒四詠

此講院試題戲擬視諸生

三冬閉戶最相宜莫遣飄零董相帷保障有功推鬱壘吹噓無
用託封姨支扉補空窮鳩地下鍵當關拒虎時多少炎涼誰管
得任從簾外辨雄雌

風門

熙熙人似上春臺媚竈於今有別才如火燎原身嚮邇餘光繞
屋夢低徊比肩不必因人熱通竅都教得氣來咫尺居然分冷
煖死灰牆角怨沈埋

煖炕

冷炙殘羹一洗空老饕低首笑冬烘定知食品無寒具莫怪人
情愛熱中水火當筵占既濟乾鮮有味總和同鼎烹自握陰陽

柄調燮還資扇底風

火鍋

足下新成安樂窩陽春有腳獨婆娑寒憐東郭先生履厚過終
南進士鞞捱冷不妨常立地生塵何至怨凌波未知促膝談心
者到底纏綿意孰多

綿鞞

張烈女辭爲李學博石坪

東森

作

天地有正氣篤生張烈女其父爲孝廉家在莊鎮里居家工針
帶出門知詩禮芳潔作衣玉作履

一解

蒲城雷教官有子曰書香

爾小如合璧左顧成鴛鴦朝報花門起夕報父母亡零丁孤苦

無人將待字夫家夫家有輝光二解翁爲父姑爲母今日佳兒後

日佳婦樹樹連理花曇曇合歡酒佳期未至女獨守十七年華

一回首三解樹樹連理花花落不成陰曇曇合歡酒酒冷無人斟

女婿忽已死獨活亦何心佳期無日死期如今投穴自殞埋玉

深深舅姑號咷淚滿襟四解

富平張文治刻石精工屢鐫巨碑爲呂曼叔觀察余葵階太守

所激賞庚午冬予來同原文治求作詩以張之因書廿八字

惜予不能作鴻都三體令來觀者日車千輛耳

刀筆森森孰擅場安民風骨異尋常文章我愧蘇黃手辜負當

年琢玉坊

瞿京之

樹鎬

出詩集索題

聞笛山陽愈可哀關河無恙竟沈埋

謂曼叔

譚侯

西屏

別後王郎

心如

別苦憶人間著作才

十二月十九日穎叔方伯招同蔚青觀察荻菴學博楊種珊

鼎昌

陳岷瞻

樹動

二秀才祀坡公於歐齋以問我平生功業爲韻分

得我字

蘇齋弟子有李委

李蘭卿觀察及其少君曉峯太守

吹簫迎神出塵堞歐齋主

人若林逋手采溪毛薦香火坡公去今七百載文章不朽英靈

妥我生禮公十一度

自戊申至今己巳余與此會十一次矣

欲向眉山問因果公

之登朝尙盛時沈沈陳涉何其夥身宮磨蝎箕箒揚一鶴竟向

南天墮他途進身臣不敢坐此百年半坎坎坷況復結習在文字
過嶺奇遊樂亦頗不夷不惠近人情道學輒與鉅儒左四海相
知惟卯君大笑螟蛉兼螺贏胸中原不識朋黨門戶紛爭皆眇
跛氣節自堪無量壽萬花獨秀青蓮朵吁嗟乎投荒老死宰相
才虛名空令人炙輠有田不歸如江水江神見怪真委瑣何妨
捧硯對朝雲且欲題詩寄老可低首平生我憶公論交千古公
容我

庚午人日穎叔招同王霞舉

軒

兵部袁篠塢

保恆

學士鮑子年

康

太守展祀杜子祠分韻得堂字率成二十韻

杜曲花猶好魂歸戀故鄉吾徒爭滌筆人日爲稱觴策馬衝殘

雪隨山向短牆此間得高曠眞宰接蒼茫稚筍回生意癯梅鬱
古香騷情通俎豆野老訝趨踰憶昔烽煙緊遙憐瓦礫荒破門
支楫楸遺像照欖槍忽聽迎神曲重牽報國腸開元無稷契詩
卷有虞唐爲問揚雄宅何如召伯棠冥交託歌泣劫地判行藏
勝蹟能安妥諸君各激昂鳥聲穿樹碎日氣出雲黃拜手巍巍
座驚心作作芒崢嶸三禮賦沈痛八哀章春市喧笳鼓奚奴急
酒漿所期千載下猶是中興長珍重昇平業攀躋大雅堂終南
齊突兀卓立古人旁

喜晤王霞舉賦答

洪洞門前水六月開荷花花深隱城郭水靜無泥沙身爲遠遊

子策馬長咨嗟真靈幾位業天地湛清華遙知綠樹村定有仙
人家首途山渺渺歧路烏啞啞願乞鴻寶章相從餐紫霞

渡河二百里便可接言笑不嫌風波惡遺子以孤釣力疲途始
非我得彼方弔鬼神失自然萬物角生竅無酒愛人斟無米向
誰糶獨抱三年心仰月望私照勿令嵇康嬾徒聞孫登嘯

食華州筍聯句用韓孟鬪雞韻

王霞舉兵部曰華州地接渭川土宜竹種植連畛利逾蔬穀
以迫近嶽址土石間雜壤堅苞密筍特瘦小大者僅如書楹
帖筆頭具體而已余以己巳除夕前二日至秦中客袁筱塢
學士同年幕府適有以此筍餉學士者厚楮重裹不及斤許

翼日學士以饌余謂其么臍當與無齒宜輒脍香嫵遠勝稽
山諸品庚午初春上旬復有餉者其廉如前食而甘之命購
市無鬻者坐客曰此筍不易得也居人倚竹爲生護筍特甚
無肯鬪取者無賴子伺隙竊之入市或遭園主銃斃致獄成
巨案學士喟然曰吾儕敢以口腹累民生乎休矣越旬餘林
穎叔方伯招余下榻齋中酒間進常筍余偶述所聞於客方
伯歎曰君知西事之由乎回漢構兵實覺於此物是禍水也
爲談其事甚詳時方欲仿韓孟聯句以相娛樂予感此物所
關者大不可不記也因用鬪雞韻與方伯暨謝枚如舍人共
賦之

英蕩節未敷，葱萌勢猶待。內懷附塗密，

軒奉舍人

外飾干霄彩。

爭抽稚子瘦。

章鋌奉方伯

顛踣頑僕殆，裏瘡甫甲卸。

壽圖奉兵部

苞淚仍靛在，錐客囊處穎。

軒

筆公氛退繳，卷籜兆饑飢。

章鋌焚

林失幽埏，迥禁山髡鉗。

壽圖

窳穿砥礪磊脊茅，甌錫卻

軒頭箕

緝算改鸞刀，截雲肪。

章鋌

甕盆濯雪催菹并，芹韭錯

壽圖

簞兼

魚蒲倍根披，薦釧登

軒

皮傳濟鹽醢，老齒健可撐。

章鋌

枵腹甚

其餒牛羊久負債。

壽圖

雞鶩甘被紿，喉螫防去乙。

軒

涎垂窮市

亥嗟爾出地奮。

章鋌

膺茲膏鑊罪芥蒂，積未忘

壽圖

挺竿覺已

挽戢首悲恣饕。

軒

握拳競遷賄，楛成難塞河。

章鋌

鼎沸劇掀海

追占噬嗑凶。

壽圖

困咎剝膚怠角稽，厭反而

軒

矛斂息鍛乃接

櫻版參玉

章銜

舞蔗筵圍綵杜漸戒觸藩

壽圖

達乎止躡豈長

爭任滕薛

軒

班綴等姜隗慈胞無凡孫

章銜

元氣有真宰留聽

風琳琅

壽圖

終備葑菲采

軒

余既錄此詩及兵部序陝老見之植立欷歔曰甚哉居官之不可或偏也初華民鬻其竹於渭南回既成議而華民中悔回闕焉華民恃其眾也戕諸竹下回大駭奔訴州官州官曰回異類也得無魚肉吾民乎不卽判回乃控於渭南令令卻之以非吾界回始忿涕泣歸尸聚嘯黨與殲華民而盡殘其竹陝釁由是起嗟乎官固不料愛民而卽禍民者如此乎吾友魏子安孝廉習於近事嘗謂余曰回不同哉有勤賈致富

厚有讀書任中外諸職無賴則以虜劫爲生然其性强悍戀
土戮其魁勿殲其家則事易定滇回之蠢動也其縉紳良善
之居行省者具名縣官以除莠自任弗聽繼入金願質妻子
求自保亦弗聽下令諸道戒嚴殺回回知事不可解則焚香
跣足跪籲大府指天立誓搏頰長號終弗聽黠者狠者颺去
煽外回一日連破十數邑而吾鄉迤西兵備林廷禧遂被難
則偏之過也後十年而陝回亦變嗟乎漢回之不相能久矣
漢多則陵回回多則陵漢漢貪而回狡回聚而漢渙軒焉輕
焉皆召亂也雖不可示之弱亦持其平而已矣操之太嚴果
誰能制其死命乎而階禍至於無窮也尙忍言哉乃次所聞

於後以遺食斯筍者其他聯句弗備載章鉉記於長安寓齋
西屏復之鄜州軍幕以詩道別答之時回氛方棘也

嶽嶽諸侯客娟娟足光采世途自江河方寸或山海交我日益
深思子意常倍去年從軍回執手勝奏凱遙揣風塵苦暗驚顏
色改吁嗟稻粱謀辛苦葑菲採不識黃金臺何人念郭隗日暮
寒雲飛風林幾葉在無言照雙心含情託千載加餐慰相知保
身良有待忠信苟不渝金石補眞宰

疊韻和霞舉并視穎叔

執友劉芑川長於詩許秋史長於詞黃肖巖精於小學著書
甚富不三十年俱盡矣晚交穎叔出穎叔并交霞舉甚歡庚

午春正二十七日方爲韓孟聯句忽聞警報慨然輟作念霞
舉不能久留感疊前韻寄之不自知其言之拉雜也

野草撐白骨悲風送寒花天意賤芻狗物變催蟲沙誰憐孤鳳
鶯翻爲二鳥嗟捫心兀自熱攬髮驚已華哆口說名山千秋能
幾家路鬼或挪揄村童方呬啞勞筋積塵土槃澗愧煙霞

劣性少面交歧途任腹笑龍伯不量力六鼇引巨釣觥觥嵇呂
徒慘慘蒼蠅甲快彼汗漫遊塞我混沌竅新觴續古歡虛困望

義羅離合家 國心對鏡慄孤照同爲關山客忽駭東門嘯

別宮農山

爾鐸

太守卽送其之三原

兵氣漲已昏離雲慘不合未知文字飲何時再挈榼交情一載

餘虛量百川納指摘容疎狂應求謝拉逖君攬濟世車我老溫
經榻斯文有實地貴以全力踴磊磊孤芳妍萋萋萬木雜作者
出真情千秋自酬答羽書日參差悲風送飄颻開卷能幾時憶
此朋簪盍

酬王心如權大令

子從西屏見心如時務策及詩心異之時心如入都不得見
累月歸來索觀鄙作有詩見寵答之

昔誦傷時語遙憐脫俗真蹉跎遲一見骯髒證隻身容自多愁
醉人疑無病呻能言果何益拙宦儻艱辛

雨中曼叔惠詩并侑魚酒同韻和會卽效其體時在關西講舍

鄙子冬烘對文字壞雲壓屋驚天昏急呼僮僕出門看陡見諸
生戴笠奔此時得酒益快意卻憶食魚不敢喧

西人食魚不言
語懼觸鯁也

東郊耕籍能幾日一兩人頌使君恩

農山權守延安相遇於同州出叱馭圖索別

素交隔山嶽容路忽逢君水漲初晴雨天停欲散雲四方尙多
難一出或空羣撫劍發濃笑艱危何足云

衰草血痕碧孤城兵氣黃頻年思將帥吾道在循良況得風雲
助甯容狐兔狂平生恃忠孝殺賊紀功忙

零落灞橋柳君來剩幾絲我行殊未已後會可能期塞月圓向
客邊聲健入詩瓣香禮韓范策馬不須遲

答曼叔卽書其集後

大風撼屋瓦狂葉上階墀
昂頭不見月星光亂著棋
卻入剔孤燈開讀東萊詩
蠅頭小字中低昂出鬚眉
自寫磊落懷不求時世
宜用意良獨厚結習固忘疲
賤子苦涉獵此道紛多歧
虛堂絢丹青大江揚蛟螭
變怪或神鬼動駭靜還疑
乃嘆性情貴格律後所治鄙
言與君合嗜古分骨皮望君
蓮嶽頂坐我長河湄
三復感事篇瘦腸抱古悲
想當簿書側擲筆長嗟咨
嶽嶽歐齋老今之風雅師
雙眸金篋刮稱許無私欺
忠孝爲爐橐萬化手鑄之
韓蘇庶委注洪黃詎等夷
穎叔謂君詩原本昌黎委注眉山

端午潼關講院

故國回頭七千里四年佳節各風塵

丁卯在太原戊辰在獲鹿己巳在同州

吟詩

未得幽并氣結客都非少壯人地迴多風天易暝庭虛望雨樹
求新浪遊羸得青鞵福玉女金仙迭主賓

去秋今春兩登華山

以諸生酒分餉謝尺牘

輔纓

大令作此侑之

聞道吾宗喜著書高吟端在百杯餘元亭剩有門生酒我欲來
停問字車

蘭綺年華意氣親當筵跌宕各天真鬼雄灑盡干戈淚詩卷蒼

涼酒七人

廿年前芑川作酒七人詩松亭居首余居中筠川殿

七人者殆盡矣
舉酒爲之慨然

與郭生玉堂

寶森

談藝作并示石生廉夫

介

掃除閣體李空同崛起居然一代雄直諫敢言溫室樹霸才想
見大王風近人空解花爭豔此道何由日再中漢寢唐陵盡蕭
瑟漫思換徵與移宮

才名籍籍張乾伯

名佑朝邑人都是春齋集

師法循循岳震川

字一山洋縣人有岳

一山

拍案自豪聊復爾積薪居上想當然浮塵欲暗長河日弱

水誰登彼岸船咫尺龍門一枝筆悠悠千古幾真傳

將入都留別諸生

子家黃河湄我家滄海邊相去七千里所同惟一天昨種庭前
菊作花方翩翩秋風變顏色榮悴各後先枝葉信難恃本原固
不愆但保幽香在勿怨雨露偏飛龍尙可駕遺我瑤華編

閉門授子粲夏課羅英傑差欣趙璧完尙惜郭巾折

今夏余於院課外復

按場屋條例三文一詩招諸生試之來者十餘人郭生才最高趙生年最少揭曉趙售而郭不售遲速固有命也

其餘

二三子龍夔分轉警何關一第才俗腸怪我熱被酒起看天浩歌唾壺缺焮木遞蕭條高雁遠明滅丈夫貴末路珍此方寸血量沙難爲米點金勿成鐵

我家有宗英能爲儒者言故人笑相謂劖劖助師門

家退谷先生箸教諭

語篤實切近余出視呂曼叔曼叔激賞笑謂予曰請付梓以助師門之教諸生今皆見其書矣

魏魏東西銘誰

歟探淵源乾坤吾父母顛連皆弟昆萬物諒在抱藐躬亦云尊勿厭老生談青氈有奇溫詩書若天地富貴如朝昏偉哉龍門水萬里鴻濤奔下流接溟渤上流出崑崙

別余葵階

庚陽

太守

清白纔知長吏尊萬家安穩度朝昏聞聲久壯揚眉氣

君精幹而近情

先令素有強項之名

促膝初無隔膜言忽遣別離訴寒月再難歡笑共清

樽明年五馬行春處可有新詩寄 國門

贈梁生葵園

翰沖

明經

予將行君以詩來送寄託閒雅讀之灑然時君年六十有六矣考亭所謂老友也

東坡愧失李方叔謝子欣逢梁伯鸞昂首高吟君獨立抗顏相
向我何安故山烽火頻年熱上界風雲一夢寒矍鑠是翁能不
朽閉門珍重種幽蘭

寄玉堂

諸生作衢尊閣份別圖以致其見念之情玉堂爲之序復作四詩其詩頗有美人遲暮之思生久負才名年過強仕宜其有所感也因書其後以寄之

孤燈如豆雨如絲
瓶菊低垂舊日枝
千水萬山都莽莽
離心一片暮雲知

郭子才華久擅場
大羅廿載夢蒼茫
愧予不及扶風帳
長遣彭宣到後堂

石曼

謂廉夫

偷聲募化工梁鵠

謂葵園

五字有宗風
名山把臂開壇

拈健者何須讓董公

賭棋山莊集詩十一

席帽年光往事虛梁園賓客惜居諸侏儒自飽人間粟努力相
如且著書

穆生健南

偉

請書鄙作并繫一律與之

穆生颯爽見鬚眉鷗鳥忘機處境宜此日得錢且沽酒獨居滌
筆或鈔詩夢中白覺風雲大天上何嫌歲月遲常袞張衡共鄉
邑

謹德臣定侯二
生皆籍朝邑

河流坂樹怨臨歧

諸生設餞葵園有詩依韻答之

客來虛室暖天爲晚花晴卻酒心先醉

子年來以
病戒飲

逢詩眼倍明

定知諸子健能使古人驚意氣憑吾道平生一念誠

閏冬十月方元仲

鼎錄

觀察前輩招同萬仲桓

同倫

醜尹遊玉

泉院中途遇雪入夜始至次日晴登青柯坪乃旋路滑甚得
詩二首於是予三及華嶽矣

車昏失遙青馬足蹄新冷替蓑雪壓裘沐髮兩絲領分手迷前
驅轉途迫後騁嗜山全力赴出市孤心警是時天宇冬百物漸
瘦猶山靈憐好奇萬花散玉井微白辨遠樹深黑沈全嶺燈閃
雙燼昏路滑三叉永健進固無疑慮歧不敢猛忍歎僕吞聲騎
危輪被梗隔坡出火光下磴亂人影一笑離台緣十笏清淨境
慰藉欣爾汝苦樂變俄頃舍酒情已酣餐魚喉忌餛開筵與圍
爐得肉兼顧餅巡欄泉可聽夜遊燭屢秉卻怪陳圖南高卧都
未省

赤氣罩川原疎星隱初旦危亭抱空青寒光漸蕭散碧樹染淺
黃曙霞絢餘爛日射隔河明煙幕孤村爨三峯若招手卓立俯
天半爲問青桐坪何如雲臺觀未遂造極心稍從高處看輿夫
能助我濟勝矜肩腕泉石相縈迴高低判池岸跨越不沾濡寸
步少凌亂滑甚十八盤夜來水初盟蹠踏雪有聲攀緣衣見汗
息足向精廬翹頭惜荒館青桐館已廢金烏欲棲樹青女忽垂幔努
力求出山暝色不敢玩插腳貴堅牢危途慎變換淒風從天來
似聞金仙歎胡爲戀人間大道渺河漢

將別關西書院簡元仲

講舍東山下停雲萬點青離情看曉月舊好已晨星此地重相

見他年儻再經秦河隔燕塞回首短長亭

狂語思前哲論交託舊盟虛窻窺菊影高枕過泉聲安穩幽人

夢殷勤地主情雙輪爾何意輾轉亂山行

元仲招住養園水木明瑟頗愜幽居之趣

別仲桓

我生迂拙滿肺腑突兀人前無一語意氣半在淡泊中絃外之
琴知音許長安見君已二載疎爽時時接尊俎潼關相聚將而
月獨持肝膽照眉宇君雖困頓簿領餘國士終非噲等伍用法
由來在詩書居心那肯同商賈官園初雪點流泉庭清戶潔絕
塵土忽憶三峯高插天洗頭真欲尋玉女文何必元與愈詩何
必白與甫但能懷抱貫古今抗手賢豪誰敢忤危城夜響瑟瑟

鼓打窻落葉風吹雨太息君兄

伯舒

近悼亡更怨譚侯

西屏

久羈旅

不然攀王

心

如與挈劉

星

夢

噓氣成雲

各龍虎

未知台

并定何日

小

住爲佳吾與汝吁嗟乎侏儒飽粟孰千古男兒成名貴辛苦明

年執手黃金臺君且高歌吾且舞

君時佐兵備幕欲由

州司馬

改就京職

由

賭棋山莊集

詩十一終

賭棋山莊集

詩十二

長樂謝章鋌枚如撰

除夕元旦述懷二律鮑寅初

存曉

庶常原韻索和

狂雪聲中匹馬馳天門跌宕看花時

子入都取道三晉及井陘遇雪

雄心未冷

當杯覺華髮多情有鏡知湖海非無佳話在君親自愧報恩遲
萬家爆竹喧騰裏儉薄盤餐且祭詩

晦朔誰爭大小年捱寒抱暖各承天易醒卻怪離亭酒輕擲無

如窮漢錢見竹入門忽思筍得魚洗鼎亦烹鮮城南尺五高歌

地連日春光到柳邊

去臘十五立春

贈陳硯香

文田

前輩

掩抑足孤抱蕭然天趣深幽花遊子眼窮蒼古人心蹭蹬能堅
性文章不在今誰知千卷外閱世幾升沈

步韻富錫三

聚散風萍已有年深嘗世味徹中邊頗聞干莫能談劍未死鍾
期肯斷絃涼雪壓冰清積玉春泥護筍暗抽鞭雲龍忽憶千秋
約萬斛紅塵果孰仙

入都留別桂庭時任如之歿二十餘年矣言念逝者於君不能
不鄭重也

廿載長懸後死淚九原猶有未灰心鷓鴣橫海尋常事對案休
爲偈仄吟

炯甫先生爲余已酉同年相善也因與其羣從習曉農遇晨秀

才往來尤密辛未予自京謁假歸則曉農歿已數年其子悅亭出長卷屬爲題跋乃炯甫所爲琵琶行哀音激於四指百感叢於寸心變調也亦絕調也於是炯甫年六十餘余亦五十餘回憶歎首之初蓋忽忽二十年矣爲書二絕而歸之

屈指交遊半九京閉門獨坐曉風輕山陽聞笛無窮感況是邊

關出塞聲

徵君炯甫前以孝廉方正徵長劍倚空同第五曉農行五綈袍抱古風珍重庭

階種蘭蕙更從絃指問宗工

舍弟小石東慶以四律見示感作卻寄

賭棋山莊集詩十二

歷歷關河六載忙歸來季子剩空囊狂談且縱東西廨俗見猶

爭上下牀大厦艱難支一木囂塵朝夕迫重牆

所居右近市前倚酒家嘈雜殊

甚

青氈自愛巡檐日護草殷勤種北堂

烏衣門巷半滄桑燕子何心話短長敢謂後來無伯樂不知天

壤幾王郎停雲都帶窮愁色宿火誰溫斷續香百不如人吾老

矣傳鈔海內愧文章

鄙著詩集崇陽楊鳳巢二尹桂林陳蔭廬平涼劉夢星兩大令江陵陳孝蘭孝廉各

鈔數卷去文集則洪洞董硯樵觀察河南袁篠塢學士揚州方元仲都轉亦各鈔存硯樵屢愆付刻曰君今之曾南豐也曷不令陳后山輩先抄焉快

良友期許之言思之慨然

爲江秋帆

楓

題畫

喜氣畫蘭怒氣畫竹喜怒何爲石不我告

端陽偶作己巳

客歲看花走太原去年炊黍下天門今朝跛腳幽齋卧閒聽樵
青醉瓦盆

奉觴上壽晚燈紅兒女團圓在下風我想孟光愁對酒頻年舉

案各西東

是日內
子初度

題徐仲眉

葆齡

詩集

仲眉時官漳州都司

昔者張半洲典兵盛文采亦越陳一齋箸述照戎海硬語寒賊
心險筆透堅鎧仰止鄉邦賢隔絕非千載君今起嗣之買骨禮
郭隗江湖憂患多鬚鬢年華改劍頭寒米炊盾鼻幽花採想其
槩礪時解刀揖真宰鄙人戀名山更駕愧駑駘世情自泡漚書

賭棋山莊集

詩十二

三

味足醞醞擧括已六鈞享帚珠百琲平生嵇呂徒相憐散礪磈
南來擁皋比入幽失爽塏沈埋制舉文如木被髹髹再拜韓陵
石霍然精神倍快作壁上觀破陣迭奏凱是真細柳軍灞棘可
嚼欵斷章昌黎句欽佩不敢給一噴一醒然再接再厲乃

寄仲眉

海雲忽逐嶺雲生好月韜光急雨傾寂寞孤燈隔花影高低矮
屋出雞聲空山頗識乾坤意末路方思著述名城北徐公美無
度佩刀挂壁或宵鳴

題李卓如大令

煖集

怪鳥窺窮屋青磷上壞牆嚴疆奸宄盛敝俗死生忙撫字心良

苦緘書遠寄將評量寬猛意九轉救時腸

大台過談時事并漳屬治法云上書於所

知者

陳之

奮臨恭

朋舊多蕭瑟論交託紀羣朗懷時見月眞宰欲排雲苦憶黃金
管應書白練幫名山忽相望急雨正紛紛

黎召民

兆棠

兵備來訪索贈卽以志別

顏壽彭殤有是非拈花何處問傳衣好風吹月來虛室大海迴
瀾接釣磯文字交情存直道功名險運鍊生機鬚眉相對纔飛
動荔子香中忽送歸

十二辰體和穎叔除夕元旦二篇

藏身故紙鼠搬薑珠槃牛耳空飛揚卅年虎氣不騰上靈兔搗
藥難爲糧潛龍勿用首亦見蛇雖憐風風何羨萬物一馬孰短
修羊頭爛矣無貧賤攫取甯爲通臂猴天雞未鳴君莫愁尼山
亦是喪家狗歲暮之猪肥何有除夕

爰書徒供磔鼠用殘碑礪角牛鑿空虎頭食肉或能飛全力搏
兔吾從衆神龍方屈蠖求伸蜥蜴舊與騰蛇親知途老馬久相
告羚羊挂角迹非真歸山應逐獼猴去雞窻低吟不成句烹狗
難迎獻歲賓猪肝悵望累人處時將往漳州
主講 元旦

正月十六日杜茶邨先生生日同炯甫雪滄集穎叔歐齋以自

關町畦分韻得畦字

殘山不成壁，荒園不留畦。朝出唱迷陽，暮歸聞子鴛。卓哉茶村叟，鬱爲周遺黎。心肝自崛強，鬚髮任排擠。精魂戀文字，千秋首肯低。庶騎黃鶴來，念往意愴悽。蓋棺欲作誄，旁無黔婁妻。有子歸異教，麥飯絕幽棲。酸吟出苦口，不飽如寒壘。佳日非汝有，獨夜知天倪。孟陬月初闕，詞客開高齋。四壁羅古獻，是日以金文穀吳梅村及三王畫卷爲供。斗山相與齊，魯酒非盜泉。允宜先生嘯，叶平頽唐亦老手。刻意闢恆蹊，一歌秦淮曲。百金賤如泥，茶村與周揅園諸名士觀燈舫於秦淮揅園出百金爲采賭鼓吹詞，茶村遽起攫之曰：鮑叔知我貧也。卽席振筆立成長歌一百七十四句，一座盡爲傾倒。見感舊集補傳沈歸愚以爲頽唐顧此乃乘興之作，急就之章，固亦不能無譏然。曾知其家國蒼茫之感乎。

丹芝講舍雜感

孤城敗瓦與頽垣斜日空山獨閉門多少衣冠潤塵海虛堂俯
仰自桃源

何處卧遊覓畫圖更無啼鳥勸提壺滋蘭樹蕙平生意寂寞昂

頭對荔奴 庭有龍眼樹

琵琶聲裏養花天官閣題詩記酒邊滿地胭脂染烽火蕭條華

表鶴歸年 子曾於道光末遊漳主者爲之
張樂開燕極一時聲伎之盛

廣文埋碧竟何方 池秋如學
博劍波 羈客登城賦國殤 林子壽部
郎其年 拚與

填詞高竹屋 高文樵縣尉思齊皆
死於同治三年之亂 騷魂夜夜泣他鄉

秋已深矣籬菊不芳野桃競放嘆而詠之

幽居覺算歡移情寄叢菊殷勤問霜信餐英或可卜美人隔秋

水娟娟但眉綠臭味縱無差盤桓焉得速嗟彼野桃花乘間入
我屋掩映安石榴交紅逞芳馥萬物方不平陰陽變寒煥顛倒
果何由支離到草木瘴深疾病多兩少田園感時秋疫方盛又苦旱彼桃
儻爲妖汝笑萬家哭獻豔詎愜心盛開徒刺目榮枯不肯淡喜
怒皆取辱菊乎閻孤芳徘徊自空谷

爲子安商定詩文集卽題其後

天地居然闢小湖市門溷跡養真吾風雲卽遂三升意富貴由
來一字無始曉彼蒼培碩果肯因濁俗泣窮途參苓珍重相如
病長遣靈光上畫圖

熱腸冷手苦鬚眉况復牢騷滿肚皮誰使馬遷成謗史非關宋

玉有微詞雞蟲得失何須料
蛩螢相憐各自知
太息卅年供笑罵
古愁拉雜一肩持

新移寓齋并種荷花偶得

下山容易上山難
無奈春風撲面寒
借得虛堂且孤坐
半簾斜月一燈殘

閉戶常思結古歡
去家又著遠遊冠
十年樹木知何計
且種蓮花過夏看

爲友人書扇頭

湖海飄零又十年
看人滾滾上凌煙
春蘭秋菊終誰好
自斷今生休問天

送士林觀察

文吉

調任延平

事無大小必躬親官到能貧始見真萬物皆春旌節外一塵不
染海山濱亂雲變態迎風定弱草生機得雨新明鏡自寒人自
煖虛堂華髮獨艱辛

泉比謬擁愧儒冠倒屣偏蒙刮目看兩世交情接橘梓

予主丹霞芝山

兩講席公
遺姪來從二年臭味共芝蘭蒼茫肝膽言詞拙脫略形骸禮數
寬天際闕于明翠閣回頭離夢滿秋灘

卽事

微風從北來幽蟲夜深語窻前滴瀝聲葉落空階雨

書筵贈甯德崔松門

諸棋山莊集詩十二

護梅堂下草萋萋白鶴山頭月影低卅載相思託孤雁中宵起
舞急荒雞但祈鬢鬢猶蒼健再得煙霞共品題手把君詩頻引
領雪痕留爪帳鴻泥

寄高茶庵

望曾司馬

不見經年久傳聞又遠行相思比溪水得夢在孤城獨夜宜看
劍閒居或倚聲豈知明翠閣望眼最分明

君助在洋口
余時在延平

送王補帆

凱泰

中丞入覲

奮下慙凡馬偏蒙伯樂知三年勤拂拭萬里各奔馳

時予將
應春試雨

歇雲常在檐低月易移臨歧思卽轍不必爲恩私

憶昔陳同甫

謂視香
前輩

吟詩喜索居停雲易傾倒噴沫暗吹噓心

奮瞻韓地情移薦禰書皋比思國士此意更何如

中丞菜

補帆中丞以地瓜苗作羹餉客穎叔方伯名之曰中丞菜中丞以此徵詩

斯民無菜色大府善和羹速客匏初葉加餐菊有英屢思前箸借敢以宿根輕校藝曾推食甘棠記頌聲

出山非小草配食得高名長抱風雲意未忘藜藿情濟饑留厚實選味摘新萌庾韭張蕪外官庖此大烹

甲戌京寓雜詩

詞賦凌雲未必真治安有策或堪陳賢郎卻少侏儒粟怪與相

如作替人

卻藉黃金說愛才不知更有幾金臺登車忽憶天門雪辛苦關

河三度來

丁卯庚午俱由晉入都

風搖新柳裊春聲天半蓬壺夜氣清一月盈盈人悄悄吳剛立

處最分明

關中月色極佳

寂寞黃壚一醉難摩挲長柄劍光寒春風著意回惆悵許借養

瓶插牡丹

買得牡丹數枝無安置處從庵尼乞破缺酒壺插之

塞馬籬雞未足論滿天梅雨養詩魂故人載酒多情甚接騎來

敲問字門

連日接見關西講院書生

心已半醒夢未醒當歌回首感春星呼僮教誦齊諧志自撈髭

鬚帶睡聽

爲友人題畫

高帆隱隱水迢迢雲樹迷濛隔畫橈近日虎門山下路海波有
力壓江湖

都下喜晤笙舫

祖勳

家兄

一見強於萬紙書春風誰謂此行虛七千里外鄉心熱四十年
來旅鬢疎極浦魚龍憑變化華堂簫管望吹噓封胡羯末今餘
幾

同堂兄弟年相若
者零落殆盡矣

記取他年對廨居

別徐仲眉

故紙埋頭不能起漲墨浮煙令心死出門仰天無所之那更送

君復千里憶昨見君當暮春飛花合沓吹城闌登堂執手道欣
慕瘦骨相憐知苦辛雄奇迂拙忘爾我槃礴解衣無不可忽出
新詩驚古人深談那管重門鎖帳前走卒皆遲疑燭光慘淡雙
鬚眉未知主客作何語但見開卷森蛟螭遠遊得此殊快意窮
愁合作千秋計風流老輩今欲盡努力名山有位置嗟我熱塵
緇素襟知君頗負平生心高文典冊真何用長槍大劍誰知音
韶華一去忍回首西施更比無鹽醜好官有命非人爲或者立
言爭不朽少時買書愁無錢老去讀書恐無年但令曼倩一囊
飽且學孝先終日眠昨夜哀鳴過雙雁東西斷續難相見又從
何處向稻梁各自銜蘆避弓箭叔夜自嗟七不堪交遊寂寞無

二三紅燈綠酒銷魂地水深千尺桃花潭淺煙畫像尋常耳得
志何曾愧青史山不在高須有名歲月蹉跎尙餘幾遙遙羽騎
離雲開臬比獨擁胡爲哉臨歧珍重黃金臺莫遣旁觀笑駑駘
癸酉重五卽事

八年佳節長爲客萍水相逢似故鄉脫略形骸任談笑消磨精
血惜文章可憐弔屈方搥鼓莫問和戎孰濫觴庭菊忽開三兩
朵端陽一醉抵重陽

哭子安

蓋棺長已矣八口命孤懸莫恃文章貴長祈子弟賢勞生原不
樂相見更何年同作舉比客龍蛇夢獨先

憂樂兼家國千夫氣不如亂離垂死地功罪敢言書將母情初
盡還山願竟虛幽光終待發試看百年餘

子安客川陝十數年
身經喪亂其咄咄錄

詩話等書皆草創於是
時君歿時尚在母喪

題春明話別圖

子友符雪樵大令劉炯甫同年屢稱吳伯鈞

國俊

離尹彼此

聞名而去住外午不及見也其子子沂

師會

貳尹出此圖屬

爲補題開卷慨然附以四絕昔人所謂漠然徒見山高而水
長者非耶圖凡數幀其第二圖爲溫翰初

肇江

先生所作

西山爽氣滿行滕想見登高作賦能似此宦囊差不惡攬環結
珮夢觚稜

長官文采並符

雪樵陳少

手版無妨意氣真太息停琴山海後貞

元朝士又何人

卷中如葉潤臣許海秋諸前輩俱已溘逝予屢踟軟紅追尋作者輒不禁人琴俱亡之感

師門清節有高名自謂文章讓哲兄相向管

異梅伯之言俱盡後停

杯流派話桐城

予出溫明叔侍郎師門下於翰初先生素深景仰憶戊辰子出都師招飲爲道翰初及姬傳諸

先生文事惜老輩不見予也於今十年而師亦請告歸矣

啼饑聲裏雨糶糊一夕狂瀉徧海隅幸有珠光并劍氣魚龍低

首向江湖

光緒丙子閩省大水子沂所居低窪他物多毀此卷獨存

陳硯香前輩小影

僧裝持念珠坐蒲團

憶昔羊兒年合十瞿曇帳右丞菩薩語側聞海潮唱岸柳紛離

情枝禽屢易向

子於辛未識君讀君詩文其後屢別屢晤

回首天人姿合以水月餉

蒲團從何來退食寄微尚在家飯粥僧天花作供養不爲法華
轉文字澈羣障微塵自生滅智珠久垂亮太平心有菴祕密佛
無藏且現宰官身請看壽者相

吳烈女詞

洞庭山何崔巍千霄蔽日女貞木右倚敬節里左覆懷清臺

解一

中有吳氏女許字嚴良蔚昏有期矣遭喪不得遂太湖二萬八

千頃倏忽之間賊如蝟母顧女且勿畏

解二

賊忽來忽登山忽入

圍忽斬關不能奉母罪猶小不能保身罪無可寬盈盈一水葬

女於其間

解三

賊退出女尸衣裳皆縫紉偉哉女也以死保其身

女年二十一終爲嚴氏人至今嚴氏墳崔巍洞庭濱青青女貞

木萬古不爲薪

四解

贈同年吳子儁

觀禮

太史

火傘沈空雨欲來，呼僮縛帚掃塵埃。
沾濡未解人心熱，洵湧回思故國哀。
時閩省水災 饑民磨集 幸得碩交吾且住，
每談遠計世需才。銷磨駿骨能餘幾，
昔日黃金尙有臺。

子儁鬚眉迥出塵，每拈險韻步前人。
固知遊戲原餘事，卽此飛揚已有神。
流雲冉冉月長在，古木潭潭花自春。
莫問杜皮與杜骨，好將肝膽結輪囷。

出彰義門念子儁陳伯潛

寶珠

諸君葦蕩之遊

葦蕩荷花正及時，清華爛熳悵此鬚。
眉秋原百里，搖殘照水珮風。

囊野處宜

余未至葦蕩而路過良鄉野池荷花特盛

出都車上偶詠古事

便是承恩莫畫眉
寒梅瘦到晚妝時
蕭蘭八賦天然好
譜入霓裳總不宜

瑤池桃熟果何期
阿母年來倦未知
管領春風般七七
人前顛倒拗花枝

陞盾誰知有歲星
成仙未必骨全青
麻姑狡獪憑長爪
鞭背如何到蔡經

詞賦凌雲卻有餘
家徒四壁汝安居
精靈位業佞盧字
不及淮南招隱書

只有玉溪許比肩，八义才調豔如仙。豈知簿尉須君等，解讀南華第二篇。

意氣公然籠罩人，自誇方眼識天神。看朱成碧金成鐵，皮裏陽秋有佞臣。

頭腦冬烘不自哀，燒城赤舌信難猜。平生久擅猶龍譽，那曉韓非台傳來。

是非只合付荒唐，從古衣冠等戲場。不有盲翁工作劇，琵琶誰辨蔡中郎。

光緒丁丑七夕平定道中遇雨卽晴

幾點不成雨，饑民奈旱何。天孫如念此，揮淚合滂沱。離別爲時

東坡先生集卷之十一
言十一
暫風雲望汝多休令羈旅者太息賦明河

七夕後一日小雨

何止銀河別夢長
人間客子尙奔忙
十年五度天門下
斷雨零風過壽陽

晉早已三年潁叔至始報災設賑

監門圖未作餓骨已山邱
難解彼蒼意誰將旱魃收
一囊人盡破半飽汝何由
十日平原客能無素食羞

直沽蝗盛市人烹以下酒

盜賊何由訴
好妨蟲天九月早
飛霜誰憐把酒持螯手
揜袖街頭買災蝗

甘語香

澤宣

大令出其家藏陳秋坪先生遺墨屬題

樓憶元龍卧詩吟蜀道難先生餘范餽弟子得甘盤高誼垂十

古遺琴試一彈淵源三絕在眾水共波瀾

先生自四川罷官歸授徒甘氏師弟相得

頗極文酒交遊之樂

甘滋蒼

謝

先生畫冊爲語香題

丁丑晉饑草根木皮俱盡予自太原至津門候舟南渡語香
出視此冊回想當年民物豐阜山水清華之勝爲之撫卷三
嘆嗟乎彼其時豈獨江南爲樂土哉

我從太行來道旁少餘綠
磬磬萬哀鴻
嗽樹如嗽粟
安得好湖
山青葱
抱一曲
乃嘆彼蒼仁
能造使君福

王芝友招飲莫愁湖口占

酒杯隔檻擁清涼勝地遙憐百戰場
人與湖山回暮氣花依瓦礫泣
秋光風雲相續千秋夢金粉長留
六代香燕子有情戀歸甍當年門
巷幾斜陽

話小倉山房故址

通隱隨園叟爭誇絕代才
山林集冠蓋脂粉潤樓臺
殘劫紅羊換秋聲白雁來
西州門外路華屋古今哀

過馬江林薇卿

世仁

招飲話舊感贈薇卿芾庭

楹

先生哲嗣也

窮儒意氣通通侯老董風規不可求
卽論文章誰左海所過門巷幾黃樓
挑燈忽作千秋話把臂還爲三日留
知否孔融坐上

客行年六十欲平頭

昔與芾丈游子年方壯觀卿方就傅今忽忽三十年矣

王佛仲出其所作印譜求題

杯酒相逢話遠游

子將之漳州

欣瞻鐵筆冠時流他年若過萱暉閣

小印摩挲憶子猷

是日君適爲王荔丹觀察作萱暉閣小印

文趙金丁各擅場銅章繆篆究毫芒因君忽想高書記浙派誰

搜嘯古堂

亡友錢塘高文樵精篆刻著續嘯古堂印譜專言浙派甲子殉難於漳州迄未成書可嘆也

寄江甯孫琴西

衣言 方伯

我憶庾開府江南作賦來到門春水過擇地好花栽文字宜經
循風雲恃霸才石頭城下路笳鼓尙餘哀

遊龍巖洞和作

一笑籃輿豁素襟，短橋長磴接登臨。
風濤小響松猶穉，泉石低澗洞倍陰。
可有神龍能吐氣，欲從老鶴問歸心。
牙犀忽憶凌虛閣，簾外珍珠百尺深。
洞似永福方廣巖而高曠不及
凌虛閣珍珠簾皆方廣勝處

題新羅某生文後

狂瀾手挽果如何，萬里風帆未轉舵。
腰扇裴徊遮曉日，尾間消長轉春波。
高樓滿耳鈞天樂，寰海銷魂薤露歌。
玉女支機盡頑石，奇峯變幻夏雲多。

得友人書感作

快馬誰空冀北羣，披圖萬變看浮雲。
垂簾自對幽蘭笑，簾外雷聲聚暮蚊。

趙又銘新觀察小照爲及門趙生慶椿題

公餘譚藝小窻前回首終南已十年惆悵竟成今昔夢河聲嶽色望歸田

戊寅三月將之漳州

今年春事晚未遂看花情樹老若無力吾衰又遠行石欹流水急雨止小山明卻羨雕梁燕銜泥得得鳴

好月忽相照空庭閱五更流雲猶冉冉止水共盈盈山煖春風足人寒夜氣清停陰休作雨萬物正求生

四月十一日江水忽漲數尺呼舟之馬江舟中讀何伯希嵩祺

同年悟蓮室詩鈔振觸往昔得截句四卽題其集歸之

詩人膽識讓婁光

張亨甫

閩派何須議短長直以淵源推左海

陳恭

甫先

不知當世有吳

蘭雪黃則

卅年敬愛惟劉九

芭

欲鑄心肝老杜旁無病呻吟莫嘲笑許身

稷契冷官忙

芭川所著外丁卯橋居士初集東洋小
草海音觀海集鶴場漫志多及時弊

岷雲

岷

同譜魯靈光十載歸休戀故鄉釀酒魚羔毳帳下平生

詩好是甘涼

塵夢誰知若箇長且留幾字伴奚囊印須遙望衆流外今日新
添溪水黃

賭棋山莊集

詩十二終

長樂謝章鋌校如撰

陳香根

培桂

師以詩見惠獎借逾分感作二十韻奉寄

去雁三年滯回魚一瞬投春風欣入坐旭日恰當樓

時寓齋在
中岐船署

樓詩貫天人意心兼遠近愁先生山作骨弟子雪盈頭轉憶登

龍後常爲策蹇游備書非得已問字竟無由上計歸京國循聲

聽海陬窮檐誇五袴幸舍頌長裘削竹編新誌苞桑寄老謀鉅

公方變夏

時奏閩福州
船局學西法

絕嶠忽防秋

臺灣多曠地久爲彼族
垂涎辛未章鋌歸自京

師師以新修淡水馳志見示中有附論一則言及桑土綢繆之
計不兩三年臺竟有事徵兵籌餉閱期月而後定是時師已去
官歸矣嗟乎臺事之可慮至今未已也
也而天下之可慮又不止一臺也
縱馬悲前路抽簪戀故邱

蛟虬爭大壑風雨撼神州自昔龔黃績能分絳灌憂繞朝嗟不

用涉室亦何求所喜貧居樂長將古道留羅胸窺列宿

師精星學著有

奇門述要一書

抱膝養清修

師近有足疾

祕笈含飴課新樽得酒筭一家今

小隱百里舊諸侯顧我璩璋鶴頻年浩蕩鷗深情託由瑟江水

正東流

題曾生寅仲

虎文

漳州雜詩

能言利弊亦何疑太史陳風識土宜寄語輪軒諸使者莫將謗

史怪新詩

溪山無恙此漳南鄒魯何時播美談已盡脂膏兵火後官箴第

一是懲貪

三十年前此一過萬燈錯落雜笙歌滄桑今日無窮感如此名
城瓦礫多

十載臯比愧素餐讀書原不爲高官閉門幸見陳無已覓句青
燈結古歡

辛巳重陽爲劉子奇元駿秀才題謝瑄樵穎蘇參軍墨菊

卻欲囊錢買菊栽幽香供養讀書臺山堂寂寞秋風裏喜見吾
家筆墨來

送酒何人烏雀猜散金布地菊初胎不應辜負黃花節塘北傳
聞爛漫開漳之塘北以
藝花爲業

送少棠之江右學幕

賭棋山莊集詩十三

夕陽揮手一江紅
杯酒家園幾度同
橋上春燈橋下水
亂灘危石轉孤篷

外家羯末久晨星
從表如君眼最青
垂老仍無棲隱計
解嘲辜負太元經

幔亭誰宴武夷君
章貢滔滔水易分
一樣鱖魚怨遙夜
更無苦夢寄回文

好山真面果何如
一口西江孰有餘
攬轡幸逢陳仲舉
不妨下榻看匡廬

贛州三江口見月

經雨天逾淨
臨冬月倍涼
故山足元氣
分水潤文章

贛與吾聞汀州接有

分水 遠樹高低出，閒雲來去忙。明燈與明鏡，一笑共流光。

爲洪孟慈館孫先生校定青蓮山人詩作序畢復題一律

傳家名父子，累世守清芬。先生爲北江太史家嗣四世皆有著述此筆麗於月，其

人高似雲。屢寒招隱酒未了，逐貧文僥倖。湘靈瑟過江，得一聞

童白書。頗解文墨，予來豫章以其母老多病不能從，冬月得其

來書并呈一絕云：舍卻閩山水，送舟吳頭楚尾兩分流。匡廬

瀑布西江月，台取幽懷慰遠愁。爲之慨然，因用其韻，時由吉

水旋南昌

似我已無將，母日饜風逐雪任勾留。殘年何用梅花發，回首空

山始欲愁

賭棋山莊集 詩十三

水仙不花有感

白石清泉自在春此花獨看已傷神
湘簾初下爐煙軟一縷寒光到美人

只見纖叢幾葉新惱人花事問頻頻
瑤妃想是魂銷盡不墜凌波襪底塵

送倪子新在田秀才之秦應中丞邊公之聘

傭書聊託興肝膽正嵯峨小杜罪言在
終南佳氣多遺民知戰守殘骨隱山河
赫赫持平詔花門待撫摩

回亂奉
持平為治
止論良

漢回

俗尙持清議官休善嬾要固知賢
節度早已戒偏頗病翼二年

藥窮難五袴歌裴侗君子館

館爲畢秋帆制府延賓之所

良會易蹉跎

吾愛嚮尊閣

閣在同州書院

書聲出薜蘿青山揮禿管明月下喬柯大

勢規中外浮文薄李何遙憐舊都講雙鬢不能皤

及門郭生玉堂素具志業

而廉退中禮惜君不及見矣

桑下曾三宿尊前又短歌燼餘減元氣實際養天和道遠能無慮寒深更若何同舟期共濟爲唱定風波

青原淨居寺禮藥地大師衣鉢塔

文山抱琴斂巖局我纔總角窺其銘青原兩字熟胸久

寺額爲文信國

書信國有琴背鐫青原寺一截句前在吾鄉何氏瑞室

先祖曾命良工摹制一具危橋飛鞚凌翠屏前

石壁極皴瘦名曰翠屏

入門禮佛讀殘碣諸天髣髴揚旌旂大師藥地衣

賭棋山莊集

詩十三

四

鉢在浮圖屹立留孤青

大師歸葬浮渡其徒奉其衣鉢作塔方亨減題曰留青並作志記

昔人

苦心度桑海自棄元髮非天刑九州破碎一睚淚欲瀉不瀉如

淵渟開堂何物誇傳偈至性所激驚精靈祖關

顏魯公書聖域施愚山書

募建谷口華表

石頭滑法輪非轉尤非停山中有天且俯仰

山巖有天在山中四

字大師所題

世外何地容飄零平生全受全歸意素逝索解冥乎冥

塔後有素逝兩篆亦大師筆有跋首云素位而逝懸解者寡

異姓之臣異教子包羞媚世卑

優伶浮山煙霞足正氣逃空詎肯隨螭螟著書無意尙千古方

寸五嶽圖真形丈夫忠孝貞本分斫斷鼉臂擎滄溟寒天多風

百草折古木獨鳥梳疎翎黃冠不得甘禿頂文山浮山尹與邢

登鬱孤臺

鷓鴣聲未已

辛稼軒過鬱孤臺詞江晚正愁余山深聞鷓鴣謂和議行不得也

莫放下灘舟一

水環危堞孤坡戴小樓陰陽催短景

時將冬至

風雨剩閒愁

是日聞新晴

道梅花外籌邊恃老謀

時兩粵以夷防用兵

白鷺洲尋施愚山毛西河兩先生講學處

愚山爲政風流甚複壁毛生解百憂忽聽昏鴉啼獨樹更無白鷺到荒洲一朝運會關鴻博終古文章幾獻酬滿載廬陵好山色金牛泉上長官舟

甲申正月二日亡室陳恭人大祥

餘生誰共命此日忍思家靈几空陳酒幽蘭竟不花

恭人種蘭十餘盆歿

後盡枯

團圓須地下飄泊況天涯真覺春非我逃虛畏客譁

那曉回車日重亡適意人

卞姬後五月亦歿
時子方自漳歸

無醫甦痼疾

姬病
腹痲

已十諒我耐清貧絕少勞生慮能安大婦真空閨今出入瑣屑

竟躬親

人日大雪

屑屑檐端到夜闌萬家應有怨衾單濃陰乍過燈光縮急點能
凝屋漏乾卧聽頻聞聲折竹斜吹莫遣氣傷蘭開窗忽覺春如
海人在明珠萬斛間

冷眼才窺天地寬摧枯拉朽盡成團全平缺陷留清白大放光
明耐苦寒卻笑吾家森寶樹不知何處失青山驅車頓憶長安

道馬首天花送百盤

庚午太行遇雪極
上下一白之觀

雪後過百花洲

百花無一花名存實則棄頃刻萬花開化工逞玉戲塵境已全
消遙情如水至一鏡抱流光細步蹋清氣空青漏遠枝宿白墜
粉砌環向屋勝畫側折橋蓄勢中有三尺僧布袍苦生計循隄
趨危亭風利難久憩倏見孤鳥背微霜點雙翅居雖闐闐鄰靜
可香火寄簌簌蘇公祠荒寒乃無際

爲王可莊仁堪同年書扇

涼海溫離夢西江續素襟醇醪親戚意君與伯潛
郎舅也止水友朋心

舊句搜吟篋君以雁門
舊作見示名山乞畫林同幕徐震青
刺史善畫春風吹五老

挂席或相尋

賭棋山莊集詩十三

六

迤邐山相引玲瓏石有靈

江路碎石佳者可作清供君日以此自娛予刪句所謂選石愛江清也

橫鋪千卷白斜照一燈青

時歲試廣信

忽想龍門筆高談虎觀經郵

筒春帖子揮灑念巖扃

君近治小學多作篆籀子屬作楹帖由京寄贈

沈愛蒼

瑜慶

主政出筆索詩感念文肅公作此奉贈時君以太

夫人祠事來廣信並將入都補官

丁丑歲九月弭楫秦淮湄賢尊適抱病執手顏色怡告我繁劇
區卧治非所宜民病或有術心病難爲醫乞身旣未許戀棧詎
無譏數語氣轉促意重聲若希少焉詢行止撫枕三吁歛謂我
堪千古所惜生世非清途半冗闕要職多恩私講堂類祠祿荒
蕪誰與治何妨屈緒餘且作諸侯師恩威數大政健筆足了之

略通中外法，勿舉毛與絲。備用二三策，義取千萬資。大者鐫著述，小則周寒饑。我性迂拙慣，欲答翻無辭。既退就賓館，見子颯爽姿。周旋杯酒後，出扇求書詩。健忘無一字，急就聊相貽。事過愧寒責，子乃常挂頤。三日買歸權，寒巢尋故枝。遷延又數載，世變驚雲馳。激昂家國念，倉猝死生悲。鉅室忽破碎，君所親鹽業破壞君

亦受累

賢尊已騎箕，家督因毀卒。

君兄丹孫

百口叢瘡痍，想子苦支柱。

淚滿皋魚衣，好風二月半。春水長淪漪，快樂上灘來。談笑相酬嬉，歎逝感知已。回首江南時，江南悵已往。信陽良可思，賢尊昔守土。萬命一身依，平生好肝膽。巾幗亦鬚眉，血書鑿門出。妝鏡傍井移，存亡角天數。救兵神鬼疑，至今老赤子。泣話父母慈，此

城屬夫人報恩合禮儀溪山有盡日俎豆無離期謹如郎君議
恨見郎君遲嗚乎民情厚端由良有司忠孝立門戶繼繩視堂
基況子喜經濟庭誥察所施讀書先求靜練才勿嗜奇締交歷
三世懷舊兼臨歧慎哉荷 天寵肯負峴山碑

將之鹿洞主講留別陳伯潛同年

紀羣交誼在設醴及迂疎附汝青雲後嗟予白首初

余已酉登副車與君

伯父馮叔教諭爲同年及甲子又與君同舉鄉試時余年已四十餘矣

求才期報 國立論可成

書君奏議多可傳方寸巖涇渭靈光不礙虛

平生吳季子

子儁

捷徑畏泥塗每笑羊頭爛還憐虎氣麤論交誰

似此

子儁屢稱君善擇交

薄俗更何如四海方多事黃墟永慟餘

向日崇微尙消磨百不如艱難走牛馬瑣屑誤蟲魚益友存無
幾虛生愧有餘知君行役處離夢到匡廬

王松雲

樹藩

拔萃推挹鄙集甚至占此答其意時君未釋服不

敢索和

小別來何日無言意自親遙知孤坐處倍愴所思人

君與少自

昔千秋業無如一字真禮堂須寫定相寄碧山春

君約以大

寄張子衡

岳齡

廉訪卽題其鐵瓶詩鈔

詩史相維繫祇今此義衰懷人卅首在古道一肩持記實名臣
傳深情作者師旂常關運會風雨有餘思

遙憶提刑日吾方去海隅詩情誰呂

曼蔚

別夢又江湖花煖

叔謝青

春仍聚山深月易孤苔岑欣得接爛漫短歌麤

余在陝曼叔蔚青二觀察以與

君倡和詩相示及君爲閩臬子方入都不得見而二觀察亦俱作古人矣

雨中游信江書院

踐滑上危岸挽扶勇雙足睇高神已馳急步氣忽促溼磴穿數

盤虛亭敞層麓積潤養穉桐怪石洗蒼玉真蹟信可傳

亦樂堂前石一

王賡言題蒼玉二字蓋伊墨卿先生筆

餘碑未暇讀

堂後碑二一爲吳蘭雪撰書

選勝略前蹤

前二日編游一次

扶闌供麗矚遠餉萬峯青近湊一庭綠小蓋擎風行

浮橋挂江曲不知村淺深但見雲斷續頗疑虎豹隱豈無鯤鯢

逐涸轍枯可嗟高陵莽或伏

廣信民貧而悍地與封禁山毗連

庶藉詩書材長

豁溪山自言歸篙師招循途客子速雷聲殷石根雨腳灑舟腹

回望丹鉛徒獨抱，煙霞宿側聞。鄭子真蕭蕭，向空谷。

院長廣
鄭進士維

駒以學
行聞

登石鐘山六十本梅花寄舫夜宿且閒亭口占

每從章疏挹清光，宮保風標冠八方。無數梅花共回首，鎮南關

外望金湯。

饑驅我尙去，他山上將如。公那得閒清福，頻年消受盡。敢同巢

許戀人間。

湖口昭忠祠遇僧談詩

欲窮宗派九僧前，三昧誰參文字禪。好與國殤尋解脫，海潮高

唱上神絃。

可莊信宿白鹿洞約同朱紹霞

錫祁

大令遊廬山

海嶠傳烽日離人入室時蒼涼頻撫劍幽曠且尋詩小石迎流
咽狂雲帶雨馳藏書無李渤得句不能奇

由三峽橋至棲賢寺

水氣沒山骨漲痕挂巖表側聞三峽橋喧虺亂昏曉我來夏久
晴涵演竟池沼洞虛若聲吞石頑覺天小上流接棲賢玉淵涼
且餒挹煮龍井茶餘香勝清醪誰憐阿羅漢墜劫顏色悄畫師

筆自佳魔賊意欲了

許虎頭五百應真像
絕佳亂後殘燬過半

舍利更何為離離綴

髮杪雖爲百鍊剛未脫一絲擾

舍利大不及半米
擢髮引之輒起

蕭條數間屋

枯僧比窮鳥頻年禮獄神集茶莫集蓼

官祀廬嶽例
寺僧承應

尋李白書臺遂讀王文成摩崖紀功石刻

五老奔走詢起居太白昂首來讀書珠囊玉笈本無字胸中邱壑還太虛山靈黯淡失顏色化工藻繪求吹噓陽明崛起千載後刻石制作鏗瓊琚筆鋒道氣兼殺氣心光完固天倪舒嘉靖我邦真神識

石刻於正德中有嘉靖我邦國語

謫仙視此將何如吁嗟乎唐永

王明宸濠二公下視如鴻毛去就功罪皆偶爾福命何足訾人豪貴妃力士不在眼逆藩敢污宮錦袍臺前有客歌離騷碑下何人看寶刀風雲倦矣文章賤礮磊廬山自謂高

秀峯寺

僧似怪我冷我亦訝僧鄙側身漱玉亭臨流學洗耳水氣漲四

壁溼雲不能起微波送落葉坳突隨行止爲問 御書樓心經
尙餘幾掇拾烽火餘真僞未敢指載觀地獄圖變相少條理便
云闔立本拉雜等故紙伊蒲飽難堪芙蓉香不已開先諸古德
秀峯卽開先
古多名僧 日坐毒煙裏陰房閃鬼火佛衣黃且紫誰現宰官
身一說西來旨

黃巖觀瀑

匡廬瀑布天下奇界破青山非惡詩直從谷底望巖口白波兩
道紛奔馳大泉天紳垂匹練小泉馬尾風吹絲或云觀瀑須絕
頂玲瓏剔透全攬之鼓勇直上汗浹背作勢欲敵千熊羆忽隱
忽現蔽林樾若遠若近心生疑懸巖突舒孤掌大焦原側足安

敢嬉隔澗直墜千丈白曾無曲折疊何時

俗稱瀑布為三疊泉

寂不聞聲

但有氣冷入腳底冰鬚眉水光上下目光眩文殊一塔相支持

老衲憐我筋骨懈招呼入寺舖椽糜怪石徧地撐小洞鞠躬就

坐神乃怡朱王二子健勝我歸途不歸踟險巖由源溯委窮所

至神龍首尾無一遺貪多愛好古有此請寫長句摩崖宜

趙秋谷評

竹垞漁洋詩曰朱貪多王愛好

飯萬杉寺方丈

吾懶休三笑廚香且一餐石頭戴龍虎

石上有龍虎嵐慶四字大小參差相傳為宋

人屋角走風湍樹冷如殘客僧忙為長官

前一夜即來迎言懷念佛鳥

遠在碧雲端

寺舊名慶雲庵

賭棋山莊集詩十三

士

修梅

覺善

和尙邀過歸宗寺

舊雨昨宵過閒雲何地來臨池休點墨

寺有墨池池廊有陷壁宗鑑堂法帖

看畫

愈思梅

修梅善畫梅時方募資建寺

巨寺撐殘劫雄僧擅辯才禪機兼世法

儒佛不須猜

由歸宗訪玉簾泉茶話久之

一人蛇前旋一人猿後引一人鶚孤視眾人鹿爭挺綫路臨虛
空凶石位甲丙履險貴神全碎步默自省延緣得小洞放膽闖
淨境人情喜趨竇泉聲勇出嶺四圍高接天乍入卑墜井戢戢
裏雲氣點點散雨影欣有大盤陀環坐支爐鼎水冽茶愈香地
幽火宜猛縱談不覺暄高懷少所警摩崖紀姓名留示千秋永

口角霏煙霞佳趣或共領出坎千丈白當風半身冷不爲山澤
癯轉瞬失清景

聞修梅述謝麝伯

維鷲

游匡廬遺事感作

腕絃急板夜間歌舊夢金臺一刹那地下沈沈誰問訊不知解

脫意如何

麝伯游山有未得嗣
續不能解脫之語

平生肝膽古人風

麝伯詩
學杜

珥筆淒涼弔鉅公

倭文端薨麝伯輓
之云紹聖學於道

統紹續之交誠意正心講席敢參他說進奪我公於國是紛和
紘之日排和議戰明朝無復諫書來弔者見之皆色變不語和

戰至今悲國是 詔書屢下未央宮

白鹿洞牡丹

託根全不染風沙低首羣花讓此花著色名山添富貴流香下

界帶煙霞清平詩合誇才調寒儉人應愧物華
小草由來解出
孝姚黃曾進相公家

興國胡生明蘊發珠歸應科試出簞索書

我渡鄱陽湖飽飲萬山綠古洞岬然開蒼茫念白鹿廣廈羅衆

材一室挺雙玉君與弟成美登堂屢見子蕭爽豁吾目往來家國

心清談如轉轂是時同舍生李生子昭命斷無由續急友淚暗滋思

兄書還讀令兄肅藻拔萃有遺集黽勉性情地不讓古人獨萬事悟方寸

耿耿對明燭

八月發星子九月至贛州天風吹浩蕩兄弟一扁舟故鄉山水

曲危城抱江流從來用武地守險資良謀髮逆之亂贛城獨完言登鬱孤

臺落日生遠愁江湖魏闕心富貴亦何求讀書明大義立志期

千秋同行挾尹逸

尹生忠伯未慣出門得君同行無慮矣

談笑忘百憂匡廬有餘

青回首春風樓

黃生友山

蘭芳

告歸安義以詩來別答之

支持門戶原吾事休負清才七尺身積學能成須醞釀傳人得力在艱辛百家都以孤行貴萬劫難磨一念真秋水漸生舟漸遠匡廬重見月痕新

書興國李生若虛

帥竹

詩卷

國朝江右論風雅我愛藏園及誦芬筆底閒情隨止水意中高義逼層雲亂山深處孤花笑獨權行時遠雁聞努力眼中人未

老橫琴好與慰離羣

生將歸
應科試

書胡肅藻

發琅

拔萃殘稿後卽示明蘊

天光斑駁日初升遙望神山獨力登過隙奔騰驚壑馬當風
睨竦秋鷹此才不死堪名世有弟能文儻代興把卷長留期許
意雙丁兩到古曾稱

賭棋山莊集

詩十三終

賭棋山莊集

詩十四

長樂謝章鋌枚如撰

同子衡登龍雲寺僧樓

終陰滿地未開門叢竹參差護短垣寺到無名方得靜山雖有
客不聞喧長湖水激風何利高壁雲多日易昏徙倚樓頭話塵
劫前身誰憶給孤園

或謂起樓吳某
前身乃此寺僧

海會寺主僧海印

至善

初登法席卽求退院旣爲作記感系以

詩

跨江越海難爲力但飲鄱湖水一杯佛本無心開法界君能退
院卽仙才可憐龍象空中色猶帶風雲劫後灰明月在天燈在

室人間何處著塵埃

子衡約登五老峯導者失路至山腳而止

攜錢招導師指點登五老但能繞厥足無由鹽其腦居山不識

山倉皇堪絕倒下輿相從容枯坐等荒島我憶春風樓煙霞日

在抱

鹿洞右倚五老

去年十月雪峯頭白何早弟子狂簡才出門恣幽

討越宿爲我言高寒身振槁壓首一天青過眼萬物掃江湖比

斷溝松杉更小草開闔萬間屋禪中逃蝨蚤是時我病足臥遊

守蓬葆登峯貴造極想象固亦好從來實踐難虛名非所寶歸

休俟真知毋再著煩惱

塵史謂杜少陵葬平江近子衡訪其墓而修之司事者作圖求

題

長安曾作修祠記
汨水還開訪墓圖
故國誰知歸骨否
他山翻遣客心孤
干戈海內添詩史
車馬江干話腐儒
咫尺宮袍共明月
騷魂來往暮雲無

題張公東大令

鳴珂

校經圖

窮經非市名校經
非佐鬪精心慎刊
訛鉅功能補漏藜
閣塵久昏委編叢
衆陋馬肝論豈毒
狗曲詩何詬觥觥
張夫子元氣謝雕
鏤珠明宛轉穿鋒
及卑微湊示我佚
字考崛起無雙後
欲崇五經郭須闢
衆說圍當官不離
書清氣天所厚休
投班超筆且射臣
朔覆落葉紛盈階
奉帚比弓穀仰屋
時一笑知是思適
候

子衡招飲索詩感贈

萍水相逢忽合并，高歌青眼念生平。關河歷歷孤蹤在，天地茫

茫遠望情。夜雨空懸徐孺榻，

余初至寓學署

春風又度灌嬰城。挂弓惆

悵扶桑日，誰挽銀河一洗兵。

大纛長槍徧里閭，防秋已過半年餘。故山猿鶴悲無極，絕海蛟

龍戲自如。意氣竟成孤注博，風裁長憶萬言書。歸舟怕聽冤魂

語，且傍空王慰索居。

時余寓長壽僧房

雪聲瑣屑撲窗飛，虛白光中主客稀。春水低吹雙面皺，寒花飽

孕一身肥。閒中池館修清福，老去文章付化機。爐火乍溫宜靜

坐，檐鈴遙戛晚風微。

牙絃惻惻想知音讀畫談詩意淺深是色是空尊者相

是日觀金壽門

十八應

相當相對美人心

又觀馬守真蘭竹合幅

從來傳世關時命幾輩

名家冠古今大雅堂前盈尺地他年話舊憶題襟

大雅堂子衡選詩處

子衡力招移寓梅園

平生一飯頗嫌疑風雪柴門高卧宜大地蟲沙哀此日朱門酒

肉臭何時我來忽讀張侯論君久難忘謝客詩

余與君聞名二十年未相見也

此來君朗誦余詩不已春水乍融梅未落冷香清影暗相怡

將歸自白鹿洞洪生茗溪

嘉興

進謁眷戀之情溢於言表生美

材也作此與之并語之曰學擇漢宋之要人以狂狷爲歸

象罔求珠滿水濱知途老馬困勞薪衰頹自愧平生業崛起真

須拔萃人

生是年適充選拔

酒肉久疎無礙瘦琴書猶在肯言貧汝墳

卒讀空三歎我比周磐更愴神

晦翁過化昔傳經

生家玉山爲朱子由閩之新安屢游之地白鹿洞又朱子講學處

牛女江山

共一星歸沐久憐予髮曲嗣音長望子衿青藏書地迴迷精舍

仙樂風高下幔亭

余此行擬道武夷

珍重短筇凌五老手攜初日照滄

溟

病足感詠

墜地六十年繭足數萬里捷徑讓人先孤行誰我喜愛入名山
游畏躡朱門履一入鳳皇池歸休等脫屣再登承明門學步思
守已庶留面目真未覺腰腳恥躡堦不躡山蹙機伏戶屐陰陽

貫血氣衰盛悟至理踞牀尙勞筋道屢若削趾痛乃一身牽立
維雙手倚搜羅百方藥調劑兩載裏治急或增劇勢緩時自己
下堂幸勿傷官行神須止勿恃德充符誤會蒙莊旨迷陽嗟卻
曲周道慄如砥差非半體人猶勝習鑿齒

明蘊扶病應試出筮求詩

藥爐火猶溫渡江欲擊楫丈夫有本分秋風忍羈繫勿令筋骨
疲盈虛自消息高讀少陵詩定知瘡鬼泣吾聞醫國手先受
醫身益常持水火平各適陰陽職外捍須內強正氣卓而立鬱
極故有爭轉樞勿偏執起居宜淡薄炎涼慎呼吸席帽紛然來
酬酢非所急他年秉大鈞此意略可識諒有千金方待獻金門

籍

高小圃

同科

都戎之九江予亦將南返出箒索書卽以誌別

會倚清樽話夕陰曾從客座見園林江湖風肅魚龍遠刁斗聲
嚴雨露深此去爪牙森白楛平生肝膽薄黃金

君取與不苟

歸帆若

向潯陽挂重展停雲一片心

留別朱紹霞

廬山真面果如何歸去交情尙不磨再世追陪蘭譜在二年談
笑酒痕多盤飧遺僕搜珍味藥裹隨醫慰病魔傾倒文章還說
項春風古井日生波

濃陰幾縷鎖煙螺石洞寒吹咽薜蘿大地屢淹新雨水

山水屢發橋路

多壞初陽不下舊枝柯累月霖雨見日甚少每談時事如中酒怕觸閒愁莫
放歌惆悵落星灣畔路布帆十幅送秋波

袁生錦江

澤新

出筴求贈言

讚歎貞女篇屑玉霏羣言點竄毛詩句左右獨逢原仙衣果無

縫合璧詎有痕

生題陳朱二貞女傳後集詩經獨覺渾成

從來經術足乃見文章尊

願子躡月窟手探天地根方寸滿書味溫厚性情敦況子擅詞

賦筆麗扶桑駁鵬翮雖暫息

生以丁艱不與秋試

驥足終能奔吾聞古男

子正氣塞乾坤義利辨行止一明開眾昏猛進初梳步曠覽孤

鳳蹲外觀豈無色內省不敢喧秋風起天半江湖水吐吞地遠

心則邇不以別離論丈夫貴自立萬派歸一源程朱須入室枚

馬亦專門

有懷武彝

平生未見武彝君，仙骨難知有幾分。
此去幔亭儻開譙，定憐塵海歎離羣。
寥天光滿清虛府，此客神馳碧落文。
回首匡廬孤嘯處，獨持杯酒倚秋雲。

陽湖洪蔭之熙秀才稚存先生之元孫也，相遇於豫章學署，屢索贈言，既又遇於南康，復申前約，因有此作。

秋風吹落日，獨上鬱孤臺。
臺下贛水碧，冉冉扁舟來。
主人肝膽足，賓客誠多才。
文章有真價，何必皆蓬萊。
就中忽見子，意氣隘九垓。
知是名公孫，威鳳無凡胎。
當杯不能御，窺鏡三徘徊。
少年

如花發老年已枯荏萬物各本性浩蕩胸懷開

五老在天半一老走千里興因廬山發遂飲潯陽水石洞鹿久
亡考亭桂亦圯隻手潤煙霞剖心羅蘭芷獨坐春風樓愴怛思
彼美連峯團寒氣冷翠透肌理清極無他腸熱塵不得起遙想
湖光外抱影官燭裏芒屨弗我共一卷自憂喜

至寶在方寸萬象根於誠古人重厚積近人喜趨名昔者登黃
巖狂雲變晦明雙足挾雲走飄飄凌太清下視鋪瑤池上睨標
赤城或孤如塔矗或寬若橋平雄風忽鼓盪破碎無一成吹噓
固靈氣誰能御以行旁有百年僧掉首低雙睛謂我休讚歎虛
景設真情石頭路頗滑一落千丈驚

毘陵信才數花開爭頃刻賤子卑陋人頗復愛高格窮經張皋
文能詩黃仲則手筆互強弱剛柔各自克不及君高門熱血裹
皮革欲增日月明不畏關塞黑心以母訓銘骨以 主恩刻歸
來歌太平氣節天不阨丈夫敦至性能潤名山色昔與蔣子良
給諫 呂曼叔 觀察談快謂斯言得北江有真源遠溯岷嶓側

寄何肖雅 剛德 同年

下值歸來想索居青青雙鬢近何如胸中知有無窮事仰首看

天低首書

黎生覺人

經誥

自揚州來送遭風舟覆幸而獲免爲之驚喜欲

狂臨別生索贈言作此紀事

何曾忠信果成災辛苦金焦一葉來幸不爲魚真厚福愈因破

浪見仙才驟聞險語猶驚膽儻有難言孰禍胎珍重平生風義

在講堂遙憶壻鄉開

牛主岳家西席

樓外春風已隔年芙蓉出水本天然曾從月扇覘歐法

生曾以小歐字

體書扇爲贊

卻憶風詩繹鄭箋

時以毛詩義課士

績學久如陶侃鬢雄心暫

緩祖生鞭

生以母艱未應試

幾人真駕揚州鶴尙友長依鄴架邊

聞生甥館

多藏書

南昌臨發黃叔希

嘉爾

大令索贈得八絕句

去歲霜風獨掩扉虛堂佛火自依依今年忽下陳徐榻客旣沈

酣僕不饑

小雨曾停廬阜雲京華舊夢訪新聞貞元朝士今多少姓字依

稀碧落文

君今年自都回過宿鹿洞

涿山薊樹共曹騰築得金臺更幾層十丈軟紅有今昔天街踏
月望觚棱

客裏逢人誦楚騷千金裘敝欲無毛扁舟冉冉江波闊角黍何

由贈老饕

君過鹿洞時迫端節急欲登舟歸理窘計

百花洲上舊祠堂衰草寒鴉欲斷腸留得瓣香付後進招魂長

與下巫陽

同鄉諸君邀祭沈文肅公

效顰長抱美人心休問東流水淺深聞道五湖歸隱後有人鑄
蠡費黃金

互市和戎策治安算緡入粟競彈冠腐儒猶有詩書氣飲酒栽
花不負官

十幅孤帆得得行雪泥鴻爪不勝情丁甯五老峯頭月長向高
齋夜夜明

止崇安約黃子穆

敬熙

大令遊山并攜羅生

裕樟

西江分水隔嚴城飽載山光輿轎行欲雨仍晴天有意將歸小
住地多情殷勤買棹憑遊侶

子穆爲
僱小舟

牽率及門滯客程

羅生將
入閩省

卻喜煙霞好顏色塵囂不雜采茶聲

沖佑觀

俗稱武
夷宮

今日人間更可哀曾孫頭白不歸來錢刀得氣銷仙骨草木爭

奇蓄禍胎在昔乾魚委塵土幾時紫氣滿樓臺

觀不祀武夷君
祀道家所謂三

清像中秋笙鶴無消息茶市空懷善後才

泛九曲遂宿星村

誰剪匡廬瀑倒鋪武夷曲懸流變橫流演漾繞山足一葉此歧
腳萬象紛在目篙猛逆浪上岸迫向舟束一平又一起愈入乃
愈促忽覺天開甕陡如鳥出谷下視喜窺鏡上流想轉轂苔垂
太古青石鬱千秋綠碎顆數沈沙皺紋展新穀洞幽書誰積橋
斷板可續梨棗我方災珍藏神或卜微風警新寒細雨助晚沐
遊心貪未已暝色來何速遙林蔽磔燈暗步苦健僕庶幾幔亭
冥猶有鄉人福寂寞棹歌聲請傍大王宿

過磊石慧苑二僧舍

對僧翻覺我酸寒八寶樓臺七寶欄廚竈多於供佛地指揮疑
是在山官天生尤物開塵劫人以多財重異端冷笑懶殘煨芋
火半生富貴勸加餐

自天遊巖至玉柱峯

茲山孕靈秀純乎以骨勝一巖一文章一石一天性卓越令人
驚清淨使我敬其氣各自奇其勢若相競有時孤峯轉恍疑兩
岸迸流雲壓諸天尖風引微徑衣底草爭牽足邊水逾清窺竇
學蛇行出籠似鳥偵獨挾天趣遊能息勞筋病慧眼亦或迷仙
機儻與證尙能福蚩蚩茗飲操利柄不負濟世心庶得山川正

賭棋山莊集

詩十四

九

尋常煙與霞超凡未入聖願作十日留稍盡平生興

宿慧苑僧樓

忽到靈巖攀玉柱

峯名

得嘗佳茗抵金丹佛前諒有蒲團地百尺

樓頭渴睡難

憩一覽亭見隔山茶徑甚險

天下大利歸茶林種茶直上山之陰攀援努力鑽石骨萬險不足寒其心微凹側足難盈尺眼光下墜千巖深中途忽斷長梯接人強梯弱頭岑岑性命鴻毛敢顧惜賣茶但願多黃金時不再來亦折閱腥風巨溷飄南琛曾田鏹削滅方罨巨木斫伐驚蕭森大雨時行少停蓄洶湧登陸神州沈狂濤所過盡摧塌雖

有佳茗誰能斟從來有利必有害地脈盡發陰陽侵邱壑如聞
鴻雁哭旗槍要令魚龍瘖

別武夷感詠

子規聲斷已千秋

許秋史有武夷小志

散吏魂應泛月遊

劉芑川有九曲泛月圖

有

數名山猶及見無多好竟誰留悲腸易轉寒於水病足難支
喜在舟更憶隱屏佳傳在

陳恭甫先生自爲隱屏山人傳

百年華屋慟山邱

秋初伯潛邀過石鼓聽水樓

不耐三秋熱來爲十日歡好山溫舊夢新築足幽攀接筧懸流
細扶欄散步寬倚樓數竿竹初種祝平安

昔日安禪處神奇訝國師畏暄先未靜喝水得無癡巖壑猶孤

勝煙霞遂我私陳蕃新掃榻報與故人知

爲間靈源水吾來更幾遭路因貪捷小山以有名勞

是日余往來皆由寺

邊小 曉月望猶見白雲空自高神龍幾時起澗戶作波濤

爲沈丹曾

翊清 書扇

沈生名公孫溫厚擅吾黨昂然七尺軀出筆殊蕭爽尙書少囊
囊人事嗟俯仰承先苦支持門戶撐疇曩入幕備參佐兼金分
國帑涸鮒轍稍濡隙駒時恐枉努力撥叢殘偷閒倚書幌萬
象紛在旁下帷謝擾攘手探織女機有絲庶成紡丈夫胸懷寬
不作江湖想

題楊雪茶

慶琛

光祿丈遺照

杯酒頻過宛在堂

丈身後同人奉其主於宛在堂位十四先生之次

更衣亭外磬聲長

丈屢過石鼓更衣亭有詩刻

湖山到處詩名大不信人閒熱路忙

丈歸田守貧著書不

交當道

一刺
忝共尋鄉五十霜曾從老屋禮鴻光
蔦蘿零落葭莩盡卻貌喬

松憶老蒼

丈夫人陳氏子婦之姑也子親迎後曾修謁於東街宅子是時丈未歸入拜夫人夫人視之有加禮轉瞬

五十年丈與夫人皆不得見丈之長次二子余婦之兄皆下世而子喪偶亦已六年矣

丁亥冬月黃星石

介自樂平過存講院小住逾月徧登九仙烏

石石鼓諸山於其歸也作此紀憶

倏逾三年別忽報千里至登堂頻執手
恂悅如夢寐俯仰眉宇間飽孕煙霞氣
孤蓬闖危灘寸心抱古意九曲已雲端
匡廬更

天際食野鹿屢奔戀巢燕乃睇人事有廢興無由角神智飄零
到眾芳隨風任所置老鳳自高鶩楚霜滯雙翅星石時冥冥萬
物外矯矯平生志

羅生

粵生

登武夷黃子遊石鼓武夷條已遠石鼓日常觀屏風接

九仙空青塞庭宇敞廬在其下看山吾憶汝南龍一脈奇作障
大江滄渡海森嵯峨臺陽實幽阻奸宄隱萌蘖中外侈商賈安
攘稍失宜東南少完戶虛功不可貪雄才望終古歸途遇羅生
共聽九江雨爲言予已衰尙有憂時語

鼓山爲南龍之委渡海
崛起一島爲臺灣今之

臺灣關係
七省門戶

蚍蜉力量微所馱止一粒空谷多幽蘭時虞風雨及胡生

明明
蘊明

達姿居貧頗岌岌洪生

若溪

溫厚情傷離百端集更覺黎生

覺人難

獨行傳可入昔者過江來風勁壓舟急不爲列子御竟與陽侯
揖性命奪狂濤旁觀喜且泣遺我一卷書猶帶餘波溼其餘二
三子抱志各有立閉門共席珍問途自負笈因君寄相思此心
徧鄉邑

明年我七十君亦四十餘我才雜秕糠望君成璠璣萬境宜實
踐所出固非虛瓊琚有良貴詎在利走趨連日躅諸山恍然元
氣初高者抗天表卑者入荒墟位置縱不齊卓立常有餘各具
真邱壑煙雲自捲舒肯同木石假形似爭名譽達人蘊遠識得
喪誠區區要存及物心摩挲濟世書一息苟未盡吾猶惜居諸

梅花盛開邀同講院諸生致薦王文勤公

凱泰

林琴南

羣玉

作

圖題詩星石繼唱予和之

平生青眼在名山遠近何妨一例攀高會羣仙知有日先留粉
本付人間

眾攬何如獨到奇空拳古道亦堪持丹心久與梅花證滿抱幽
香不礙時

賭棋山莊集

詩十四終

玉田鑄字

玉田鑄字